

NY TAOM-PIANGONANA SARDISY

♪ ...ilay mpanjaka. Vao avy niteny tamiko ny rahalahiko fa nisy an'ireto mosara ireto, ho an'ny olona iray izay eo am-pahafatesana miaraka amin'ny homamiadana. Noho izany dia hivavaka ho azy ireo fotsiny isika afaka kelikely. [Hoy Rahalahy Neville hoe, "Misy fangatahana anankiroa eo amin'ny ilany hafa."—Mpand.] Fangatahana anankiroa? Eny àry, izaho dia... ["Ny anankiray amin'izy ireo. Ilay anankiray dia fangatahana iray."] Eny àry, tompoko. Ary hapetrako eto izy ireo mba hivavahana ho azy ireo ihany koa.

² Ary avy eo dia nisy olona iray vao avy nametraka naoty iray, nandalo ary nametraka naoty iray teo ambonin'ilay... mikasika an'ireo fotoana rahampitso. Ianareo izay mamangy anay eto, dia azo antoka fa ho faly izahay ny hanana anareo ho tonga ny tolakandro amin'ny roa ora, rahampitso tolakandro, hanana fotoana fihainoana horonam-peo izy ireo. Ary raha tsy manao na inona na inona ianareo, dia hisy iray amin'ireo hafatra izay—izay tsy mbola renareo mihitsy halefa sy hanana fivoriam-bavaka, ary—ary hanantena fotoana tsara iray mihitsy isika rahampitso tolakandro amin'ny roa ora. Ho fotoana iray tena feno izany ho ahy satria rahampitso, hitanareo, dia tsy maintsy hiandraikitra ny Alahady maraina aho, sy ny an'ny Alahady hariva ihany koa, ary ny an'ny rahampitso hariva, ihany koa, ary ireo tantara rehetra mikasika an'ireo fiangonana ireo.

³ Ary ankehitriny, amin'ny Alahady maraina, raha sitraky ny Tompo, dia manantena fotoana iray lehibe isika, satria amin'ny Alahady maraina no famaranantsika, karazana famaranana aorian'ny Sabotsy hariva... dia ny Taom-Piangonan'i Laodikia. Fa amin'ny Alahady maraina dia tiako ny haka ny: *Ireo Virijiny Natory, sy Ny Fitsanganana, Ny efatra... Efatra Arivo amby Efatra Alina Amby Iray Hetsy*, ary ireo teboka kely mihantona rehetra ireo izay mamatotra ny hafatra miaraka ho an'ny Alahady maraina. Ireo fotoana dia hanomboka amin'ny sivy ora. Marina ve izany, pasitera? Amin'ny sivy ora, amin'ny Alahady maraina, fa tiansika ny haka an'ireo zavatra rehetra ireo toy ny "Lasa inona ireo virijiny natory, ary lasa inona ireo virijiny hendry? Rahoviana izy ireo no miverina? Na aiza no hisehoan'ireo efatra arivo amby efatra alina amby iray hetsy?" Ary zavatra maro tahaka an'izany ho an'ny Alahady maraina, mba hiezaka hamatotra an'izany miaraka, izay mandeha miaraka amin'ity hafatra ity mihitsy. Ary avy eo amin'ny Alahady hariva dia haka an'ilay anjely malaza farany sy ny Hafatra ho an'ilay Laodikiana isika, amin'ny Alahady hariva, raha sitraky ny Tompo.

⁴ Ary ankehitriny, noho izany, rahampitso tolakandro no fotoana eto, fotoana fihainoana horonam-peo. Vao avy niteny tamiko Rahalahy Gene fa izy ireo dia... hanomboka amin'ny roa ora isika rahampitso tolakandro. Ary ianareo olona izay te-ho tonga hihaino an'ireo hafatra, dia mivavaha manodidina ny alitara, ianareo izay mitady ny Fanahy Masina na zavatra iray, fotoana mahafinaritra. Tsara sy mafana ny fiangonana, misokatra, ary vonona ho an'ny olona rehetra amin'ny fotoana rehetra izay te-ho tonga ka hivavaka ary hitady ny Tompo. Misokatra sy miandry ny fiangonana. Ary izahay dia... hiandry anareo izahay, hametraka azy tahaka an'izany, hiandry anareo rahampitso tolakandro.

⁵ Na amin'ny fotoana rehetra izay tianareo ahatongavana ato am-piangonana mba hivavaka, nahoana, efa vonona izy. Ary raha sendra mihidy ireo varavarana na zavatra iray, dia eo ampitan'ny lalambe eo mihitsy, ny rahalahiko, izay mpiandraikitra eto. Heveriko fa ilay izy dia 411, mino aho fa... Na 811 (izany ve ilay...?) 811, saiky eo ampitan'ny fiangonana eto mihitsy, 811. Nahoana izy, ilay... ny vadiny no banana ny fanalahidy raha nosintonin'izy ireo miaraka ny varavarana ka mihidy izy, fa avelan'izy ireo misokatra izany angamba ny maraina, manokatra azy. Na, aorian'ny fotoana, dia mihidy amin'ny hariva, mba hisakana an'ireo ankizy tsy hihazakazaka manerana azy, fantatrareo, ka manimba an'ireo varavarankely sy ny sisa; fantatrareo hoe ahoana ireo ankizikely, indrindra amin'izao andro izao. Noho izany dia akatonay izy noho izany antony izany. Halanay ny tsy maintsy hanakatonana ny varavarana amin'ny fotoana rehetra eto amin'ny fiangonana. Angamba rehefa voamboatra ilay anankiray hafa, dia hataonay ho tena hafa ilay izy amin'izay fotoana izay, ka izahay... mety hisy olona iray eo amin'ny fotoana rehetra mba ahafahan'ny olona hiditra sy hivavaka, ary hitady fanasitranana, hitady ny Fanahy Masina.

⁶ Ianareo, izay tsy manana ny Fanahy Masina eo amin'ny fainanareo, dia tongava, mijanòna eto, mijanòna fotsiny mandritry ny alina manontolo raha tianareo, mijanòna fotsiny mandra-pahazoanareo an'Izany.

⁷ Iza ilay teto vao tsy ela akory izay nihira hoe, "Andriamanitra manerana ahy manontolo, ary Andriamanitra hatraiza hatraiza"? Izaho—nihevitra aho fa tonga ny Fampakarana; izaho, njery manodidina aho teo, ary njery raha teo ny olona rehetra. Nahafinaritra marina tokoa ilay izy; ankasitrahako izany. Afaka miharitra kely amin'izany isika saiky amin'ny fotoana rehetra mihitsy. Eny, tompoko. Izany dia... Niditra mihitsy aho, ara-potoana mba hihaino an'izany.

⁸ Ary tsy nahatratra ny hira tsara rehetra tao amin'ireto fivoriana ireto aho satria nihevitra aho angamba fa... Oh, tena sahirana mihitsy aho, fantatrareo hoe ahoana ilay izy. Ny

olona—tonga avy amin'ny fiaramanidina ny olona, avy amin'ny fiaran-dàlamby, avy... Ianareo—tsy fantatrareo mihitsy izany, hitanareo, satria tonga amin'ny alàlan'ny telefona fotsiny ilay izy, tsy maintsy mandeha mankany amin'izy ireo ianareo, mihaona amin'izy ireo sy mivavaka ho azy ireo, ary hatraiza hatraiza. Mandeha tsy ankitsahatra fotsiny izany, ary avy eo dia miezaka mianatra ihany koa; izany no manao an'ilay izy ho tena olana iray. Fa faly foana izahay ny mihaona amin'ny olona ka manao izay vitanay ho azy ireny satria izany dia... izany no... mpiasam-panjakana iray an'i Jesosy Kristy Tompo izahay ho an'ny Olony amin'izao andro izao. Ary tianay ny hanao mihoatra an'izay ataonay, saingy tsy afaka izahay.

⁹ Maika be ny mpitoriteny iray aninkeo maraina, tratry ny fikorontanan-tsaina, saiky lasa potipotika mihitsy, lehilahy mahafinaritra. Ary satria izy dia... niasa tafahoatra fotsiny izy. Lasa... Nanomboka nifoha, ary nitsangana tao amin'ny efitra ny zananivavy kely, nanomboka nihodinkodina fotsiny izy. Nanao akanjomandry kely mena iray izy; nilaza fa ny zavatra farany tsaroany dia tasy mena kely iray nihodina, nihodina, nihodina, nihodina, tahaka an'izao. Nivoaka, hitanareo. Ary noho izany dia nanarina azy haingana mihitsy izy ireo. Noho izany ilay izy dia—ilay izy dia asa be loatra fotsiny, hitanareo. Ianareo—tsarovy fa ara-batana ianareo ary isikatiantsika... mihevitra isika fa mipetraka eo ambonintsika ilay enta-mavesatra manontolo. Saingy, fantatrareo, manana mpanompo hatraiza hatraiza Andriamanitra hikarakara ny sasany amin'izany, ary noho izany dia manao ny tsara indrindra izay vitanay fotsiny izahay. Fa mpitoriteny iray tsara fanahy no miezaka manao an'izay rehetra vitany amin'izao andro farany izao ho an'ny Tompony. Azoko antoka... Ary nanafaka azy teo no ho eo ny Tompo, tsara mihitsy izy, ary nentina niverina avy hatrany, ara-dalàna, mety tsara, nandeha teny amin'ny làlany, nifaly.

¹⁰ Ary, oh, nisy zavatra lehibe iray nitranga androany. Tsy te-hanomboka eo amin'ireo zavatra ireo mihitsy aho, saingy... Fantatrareo, niteny tamin'ny vadiko aho, hoy aho hoe, "Ankehitriny, hisy olona iray ho tonga eo, ary ho lehilahy iray izy, fohy, matavy, mainty volo sy mainty maso, hamaky an'io peta-drindrina io izy ka hanomboka...fa hiantso azy ianao, hitanao." Hoy aho hoe, "Satria manana hafatra iray ho azy ny Tompo." Dia ningaiko nisokatra ny Baiboly, ka hoy aho hoe, "Hametraka an'ireo zavatra ireo ato aho mba hahitanao fa izany marina tokoa no tian'ny Tompo hataony."

¹¹ Valo taona lasa izay, lehilahy Polonais iray avy any Pologne, notezaina tany Pologne... Tao amin'ny favoriana iray, tonga teo amin'ny lampihazo izy ka hoy izy ireo hoe...na ny Fanahy Masina no njery azy, niteny taminy, nanao hoe, "Mikorontana fotsiny ianao." Izany no... Nihevitra izy fa izaho no nilaza

an'izany, saingy ny Fanahy Masina no nilaza. Niraikitra taminy foana mihitsy izany, ka farany dia nitondra azy avy tany Kansas City nankao amin'ilay tranobe omaly hariva, ary tamin'izay fotoana izay dia lasa tena nikorontana marina tokoa izy rehefa nandre mikasika an'io batisan'ny rano io. Nandeha nankany amin'ny hoteliny izy, ka hoy ny Fanahy Masina hoe, "Mitsangàna ankehitriny ka mandehana mankany." Nisy olona iray te-handeha hiaraka taminy, saingy nolaviny izany satria tao amin'ilay fahitana dia tonga irery izy. Hitanareo? Ary noho izany . . . ary izy, toa lehilahy mihaja mba hamaky an'ilay peta-drindrina, nanomboka, nandeha niverina, ka niantso azy ny vadiko ary nandeha nankeo amin'ny varavarana aho, Hoy aho hoe, "Io no—io no izy, avelao izy hiditra."

¹² Hoy izy hoe, "Inona no tokony hataoko?" Rehefa avy nahita izy, dia hoy izy hoe, "Ankehitriny dia hitako ilay izy."

Hoy aho hoe, "Tiako ny haneho aminao an'ity mba hahafantaranao ankehitriny, hitanao." Hoy aho hoe, "Niteny tamiko ny Tompo fa ho avy ianao." Afaka manontany azy ianareo. Hoy aho hoe, "Ankehitriny, ity ny Soratra. Vakio mihitsy izany eto alohan'ny anohizanao."

¹³ Eny, eto izy mba hatao batisa amin'ny Anaran'i Jesosy Kristy ankehitriny. Noho izany . . . ? . . . Mety mipetraka manatrika izy ankehitriny, araka ny fantattro. Eto ve ianao, rahalahy? Rahalahy iray, rahalahy Polonais iray. Hah? Hia, iry aoriane eto amin'ny zorony eto no misy azy, eny. Mitsangàna . . . atsangano ny tànanao mba ahafahan'izy ireo mahita anao eo. Eny àry. Ny mahita ny Fanahy Masina . . . Mitranga foana mihitsy izany. Olona maro no mihevitra fa eto amin'ny lampihazo fotsiny no tonga ireo fahitana. Oh, tsy izany no manomboka azy. Ahoana ny amin'izany, Rahalahy Leo? Hatraiza hatraiza mihitsy, hitanareo. Eny, ity dia toerana kely an'Izany, eto. Ity dia eo amin'izay itrangan'izany kely bitika fotsiny. Any ivelany any no andehanan'Izany andro sy alina manontolo, hitanareo. Hia, anontonio ny vadiko, fa izy . . . na izy ireo, sy ny mpiara-monina amiko any, Rahalahy Wood, ary ireo rehetra izay manodidina. Oh, oadray! Ireo dia ireo zavatra kely—kely eto; ireo zavatra goavana no mitranga any. Ankehitriny, ary tsy mbola voateny mihitsy aza ny antsasany. Oh! Tena faly aho ny amin'izany, mahafantatra fa ho avy tsy ho ela ny Tompontsika ka handeha hiaraka Aminy mandrakizay isika amin'izany fotoana izany; tsy *mandrakizay*, fa mandritry ny *Mandrakizay*, mandritry ny *Mandrakizay*.

¹⁴ Ankehitriny, raha sitraky ny Tompo, mino aho fa ilay izy dia ny faha-valo ambin'ny folo, Alahady, amin'ny herinandro. Alahady, amin'ny herinandro, ny faha-valo ambin'ny folo. Nanana ady mahatsiravina iray aho; niezaka ny hanome ahy an'ity sery izay ananan'izy ireo manerana eto ity i Satana, manohy mamerina an'ilay izy mankany aminy fotsiny aho; ary

izy no manome ahy an'ilay izy, fa izaho mamerina azy mankany aminy. Noho izany...ary noho izany dia tena nanana ady kely mihitsy aho. Noho izany dia hamarana hiady amin'izany angamba isika amin'ny herinandro manaraka. Ary avy eo, raha sitraky ny Tompo, hatramin'ny Alahady heriny, ny faha-valo ambin'ny folo. Ary hiezaka isika hanao fotoana iray hivavahana ho an'ny olona marary satria izy ireo dia...ireo zavatra dia miavosa sy miavosa ary ireo tena faran'izay hamehana indrindra no ezahantsika karakaraina haingana arak'izay vitantsika, sy ireo ora, ireo oran'ny alina rehetra ary ny zavatra rehetra izay tonga sy lasa. Noho izany ny faha-valo ambin'ny folo dia hanana asam-panasitranana iray mahazatra isika. Ary raha manana ny sasany amin'ireo malalanareo izay te-hivavahana ianareo, eny, ento izy ireo, na ento izy ireo amin'io fotoana io.

¹⁵ Ankehitriny, nisy maro amin'ireo olon'i Jeffersonville no niteny tamiko, nilaza fa tonga ara-potoana izy ireo mba ho eto, teo amin'ny dimy ora teo, nilaza fa tsy nisy toerana ho an'ny fiaran'izy ireo intsony akory aza (na tamin'ny enina). Noho izany izy ireo...Hoy aho hoe, "Eny, ianareo...Izany dia ireo rahalahintsika mitsidika avy hatraiza hatraiza, ireo olona, mpitoriteny maro." Hoy aho hoe, "Izy ireo dia—miankina amin'ny fampianaran'Ity izy ireo."

¹⁶ Ary miezaka fotsiny isika ny hikasika an'ireo zava-dehibe. Ary avy eo aoriana kely, nahoana, hanana an'izany ao amin'ny endrika boky isika mba ahafahanareo mamaky azy ka—ka izany dia hisy amboniny kely—kely iray hanampy an'izany, satria amin'ny hariva...Mahamarika ianareo, ireo hariva vitsy farany, dia niezaka aho, efa, nitsitsy ny feo, hitanareo, satria io fiafarana goavana io, izany no tiako ho hita; eo amin'izay nanaovana ny fanambaran'i Kristy ao amin'ity taona ity, hitanareo, hoe inona izany.

¹⁷ Ary ankehitriny, alohan'ny hanombohantsika hamaky ny Soratra...Ary fantatro fa andron'ny ara-barotra goavana rahampitso izay tsy maintsy handehanantsika rehetra hividy ny vatsintsika amin'ny Sabotsy hariva. Ary tsy maintsy mividy azy ireny isika ny Sabotsy tolakandro na ny Sabotsy maraina, ny anankiray, mba ahafahantsika hanao ny Sabotsy hariva halalaka hahatongavana aty am-piangonana. Noho izany dia hiezaka hivoaka aloha isika izao hariva izao mba tsy ho reraka loatra ianareo rahampitso hariva hanaraka an'ilay izy, ary avy eo dia hiverina amin'ny fotoan'ny tolakandro miaraka amin'ireo rahalahy eto miaraka amin'ireo horonam-peo ary—ary ho an'ny rahampitso hariva ihany koa.

Ankehitriny, afaka mitsangana vetivety fotsiny ve isika ho an'ny vavaka, raha sitrakareo.

¹⁸ Manontany aho, alohan'ny ivavahantsika, raha misy olona iray eo izay manana fangataham-bavaka manokana, raha

hampahafantatra an'izany amin'ny t  nana iray mitsangana fotsiny ianareo. Andriamanitra no mahita. Ankehitriny dia mahita ianareo na ao amin'ny tontolo iray mila zavatra isika na tsia, ry rahalahy. Ataoko fa ny dimy amby sivifolo na valo amby sivifolo isan-jaton'ny mpanatrika no nanangana ny t  nany arak'izany ho... Ankehitriny, tsarovy, tsy afaka mihetsika akory aza ianareo ka tsy fantatr'Andriamanitra izany. Hitanareo? Fantany ireo fikasanareo, Fantany izay angatahanareo.

Ndao isika hanondrika ny lohantsika:

¹⁹ Ray any An-danitra Mpiahys, manatona Ny Fahamasinanao izahay izao hariva izao, Ny Seza fiandriananao, amin'ny al  lan'ny Fampanantenanao izay Nilazanao fa hihaino Ianao. Ary raha hino izahay, dia Homenao anay izay nangatahanay. Ary miaiky ny fahadisoanay rehetra izahay. Fantatray, Tompo, fa izahay dia tsy-tsy mendrika ny iray amin'ireo Fitahianao izahay. Izahay dia-tsy mendrika izahay. Tsy mendrika tanteraka izahay, ary tsy tonga izahay toy ny hoe izahay dia-izahay dia mendrika ary-ary nahavita zavatra lehibe izahay. O Ray, rehefa mijery an'i Kalvary izahay, izay manaisotra ny fahalehibeazana rehetra aminay, izahay-tsy mahafantatra na inona na inona hafa izahay amin'izay fotoana izay afatsy Kristy ary Izy voahombo. Noho izany rehefa hitanay fa mitsangana Izy tamin'ny andro fahatelo araka ny Soratra, ho an'ny fanamarinana anay, niverina efapolo andro taty aoriana tao amin'ny endriky ny Fanahy Masina, mba honina miaraka aminay mandra-pahatongan'ny Fisehoany hita maso eny amin'ny lanitra amin'ny andro farany. Ary hitanay io andro farany io manatona tena haingana ankehitriny. Ary izahay no vahoaka sambatra indrindra, Tompo, satria dia-dia Ianao no nanome anay an'ity tombontsoa lehibe ity.

²⁰ Tena mankasitrraka aho, Ray, fa mipetraka miaraka amin'ny fo miondrika ity mpanatrika mihaino ity, ary mihaino...?... Ary noho izany, Tompo, dia mivavaka aho mba Hanamasinanao ny molotro izao hariva izao, sy ny hariva tsirairay ary ny fotoana tsirairay izay hahatongavako eto amin'ny Polipitranao mba hiresaka amin'ny Vahoakanao; satria, Tompo, aza mamela ahy hiteny zavatra diso mihitsy. Mbola manana fahefana hanakatona an'ireo vava foana Ianao tahaka ny Nataonao tamin'i Daniela tao an-davaky ny liona. Ary raha mba hilaza zavatra izay tsy araka ny Sitraponao aho, dia akatony ny vavako, Tompo, mba tsy itenenako an'izany. Akisaho ireo fisainako; apetraho eo amin'ilay l  lana marina aho, Tompo, izay tsy hitenenako na inona na inona afa-tsy ny Fahamarinana. Satria fantattro fa ao amin'io andro malaza io dia hiandry ireto olona ireto any eo ambonin'ny... hiandry araka ny asam-panompoana izay notoriako tamin'izy ireo. Raha tonga Ianao mba-mba haka ny iray amin'ireo Kintanao, sy ireo Anjelinao, ireo Mpitoriteninao, ireo Mpanomponao, dia tsy maintsyo hotsaraina

aloha izy ireo arak'ireto Hafatra izay efa notorianay teto ireto. Hihazona azy ireo ho tompon'andraikitra Ianao, ireo Mpanomponao.

²¹ Ankehitriny, Ray, mivavaka aho mba Hamelanao ny Fanahy Masina hiteny fa tsy ny olona. Forao ny fonay mba ahafahanay mihaino Anao. Hihaino aho, Ray. Mivavaka aho mba Hanasitrananao ny marary sy ny ory. Ity vahoaka rehetra ity dia manana ilaina, hatraiza hatraiza, aoka ny Fahasoavanao sy ny famindramponao homba azy ireo. Ekeo ny fangatahana tsirairay izay nampahafantarina tamin'ny alàlan'ny tànana nitsangana izao hariva izao. Manerana ny firenena raha mbola maro hafa no mijaly, na dia ireo izay solo'in'reto mosara ireto tena aza, sy ireto fangatahana mipetraka eto ambanin'ny tànako eto ireto, aoka hamaly ny Fanahy Masina, Ray, ka hanasitrana ny marary. Mitenena aminay ankehitriny amin'ny alàlan'Ny Teninao voasoratra, amin'ny alàlan'ny Fanahy Masina, mangataka an'izany amin'ny Anaran'i Jesosy izahay. Amena. Mahazoa toerana.

²² Ankehitriny, izao hariva izao dia mafana kely ny andro ato am-piangonana. Manatona ilay Taom-Piangonan'i Laodikia lehibe. Ary izao hariva izao dia manatona an'ilay taom-piangonana lehibe hafa isika izay ho ny—ny taom-piangonana fahadimy. Nalaintsika ny taom-piangonana voalohany, dia i Efesosy. Mety hamerina hamaky azy ireo any amin'ny voalohany indray aho, izy rehetra dia voasoratra ary noho izany dia tiako ny hamerina hamaky azy ireo ho anareo izay te-hanamarina an'izany eo amin'ny taratasinareo.

²³ Ny taom-piangonana voalohany dia ny Taom-Piangonana Efesosy, nanomboka tamin'ny A.D. 55 hatramin'ny 170. Paoly no kintana, ary izany no taom-piangonana voalohany. "Asa tsy misy fitiavana" no fiampangan'Andriamanitra. Ny valisoa dia "Hazon'Aina."

²⁴ Ny taom-piangonana faharoa dia 170 hatramin'ny 312, Irenée no irak'ilay andro. Ary ny fiampangana dia fanenje... dia fahoriana, sy fiangonana iray voaenjika. Valisoa, "Satroboninahitra Fiainana."

²⁵ Ny taom-piangonana fahatelo dia Pergamosy, Masindahy Martin no iraka ho an'io fiangonana io. Ny taom-piangonana dia nanomboka tamin'ny 312 hatramin'ny 606. Ny fiampangana dia "foto-pampianarana sandoka, laingan'i Satana, ny fanorenana ny fahefana Papaly, ary ny fanambadiana dia ny fiangonana sy ny fanjakana miaraka." Ny valisoa dia "mana miafina, ary vato fotsy iray."

²⁶ Ary ny taom-piangonana fahefatra dia Tyatira; Colomba no anjelin'io taom-piangonana io, ny iraka; 606 hatramin'ny 1520. Ary ilay taom-piangonana dia ny famitahana Papaly, ireo Taona Maizina. (Omaly hariva izany, fantatrareo, ireo Taona Maizina.)

Ary ny—ny valisoa, dia “fahefana hanapaka an’ireo firenena, sy ny Kintan’ny Maraina,” ho an’ilay anjely.

²⁷ Ankehitriny, izao hariva izao, dia manomboka eo amin’ny taom-piangonana fahadimy isika, izay ny taom-piangonana i Sardisy, S-a-r-d-i-s-y, Sardisy. Ary ny iraka ho an’ity taom-piangonana ity dia Martin Luther, lasa fantatry ny mpahay Baiboly tsara na io mpampianatra io, na ny laïka, raha ny marina, amin’izao andro izao. Ary io taom-piangonana io dia nanomboka tamin’ny 1520 ary nifarana tamin’ny 1750, 1520 hatramin’ny 1750; ary ilay taonan’izay antsointsika hoe “Taonan’ny Fanavaozana.” Ary ny fiampangana dia “Mampiasa ny anarany manokana.” Ary ny valisoa ho an’ilay sisa nanamborana kely izay tavela, dia “Mandeha eo Anatrehany amin’ny fitafiana fotsy, sy ny anaran’izy ireo ao amin’ny Bokin’ny Fiainan’ny Zanak’ondry.” Hitahy antsika anie ny Tompo raha miandraikitra isika ankehitriny.

²⁸ Ankehitriny dia manomboka eo amin’ny andininny faha-1 an’ny toko faha-3 isika, ho an’ity taom-piangonana ity. Ny hafatra ho an’i Sardisy, ny vanim-potoan’ny fanavaozana. Sisa nanamborana kely nino no tavela, saiky nanjavona mihitsy.

²⁹ Ankehitriny ho an’ny sasany amin’ireo vao tonga, mety milaza ianareo mikasika an’ity eto ity, mba...mba tsy hahatara anareo eo amin’izany. Tsy vita tsara ilay izy raha ny marina, fa indray andro any dia ho tonga eo amin’izay ahafahanay mametraka ny hafatrav izahay eo amin’ny...hanao sary azy, ho tonga aho ny tolakandro ka hanamboatra azy; angamba hanao an’izany amin’ny Alahady. Ankehitriny, ireto tsirairay ireto dia maneho ny voa-...ny taom-piangonana: iray, roa, telo, efatra, dimy, enina, fito. *Ity* manomboka amin’i Filadelfia...

³⁰ Ary *ity* eto ambony eto ity dia maneho ny—ny hery pentekotista, na fiangonana iray izay tamin’ny Pentekosta. Fiagonana iray tena lehibe izany tany amin’ny voalohany, saingy izy ireo dia nanomboka ny—ny—ny fanahy ara-anaram-piangonana iray niditra teo anivon’izy ireo, niezaka nanao an’ilay Fiagonana ho anaram-piangonana, izay nantsoina hoe “Ireo asan’ny Nikolaita.” Afaka mandre ahy ve ianareo any amin’ny farany aorian? Hia? Eny àry. “Ireo asan’ny Nikolaita.” Ankehitriny, tsy mbola *foto-pampianarana* ilay izy. Ary avy eo dia nalaintsika ny Teny ka nodinihantsika izany, inona “ireo asa,” inona ny “Nikolaita.” Anarana iray vahiny amintsika izany, Nikolaita, noho izany dia nalaintsika ny teny Grika ka nodinihantsika izany. Ary *Niko* dia midika hoe “mandresy,” na “maharesy,” na “manongana zavatra.” Nikolaita, *laita* dia ny fiangonana, “laïka.” Nikolaita, ireo—ireo asa izay niezaka hanongana ny laïka, ka nametraka ny fitahiana rehetra...ary ny hany tokana hamaky ny Baiboly, ny hany tokana hanome ny fandikana, dia ilay eveka na olona sefo lehibe iray an’ny fiangonana.

³¹ Avy eo dia hitantsika, tao amin'ilay taom-piangonana faharoa, fa nanomboka nanjavona izany. *Ity* dia mbola Pentekosta foana; ary *ity* dia anaram-piangonana (d).

³² Ankehitriny, tao amin'ny taom-piangonana fahatelo, Pergamosy, dia saiky nanjavona ny Pentekosta. Fa ny foto-pampianaran'ny anaram-piangonana, izany dia lasa avy teo amin'ireo "asa" *eto*, nankany amin'ny "foto-pampianarana" iray mihitsy *eto*. Avy eo izy ireo dia lasa marina tokoa, nivady eto mihitsy. Nivady izy ireo! Ilay...ity vondrona eto ity no nandresy an'ireo vondrona pentekotista.

³³ Ankehitriny araka ny ilazako an'izany, rahalahy, dia zavamisy marina izany. Izany dia arak'ireo soratra masin'ny tantara. Ireo bokin'ny Fivoriambe Niseana, *Bokin'ny Maritiora an'i Foxe*, ary ireo soratra malaza tranaindy rehetra. Manana ny sasany amin'ireo lahatsoratra tranaindy indrindra izay misy aho. Ary ny tsirairay avy...Milaza an'izao aho tsy miaraka amin'ny... Tsy milaza fa Pentekosta aho. Izany dia tsy midika...Rehefa milaza aho hoe "pentekosta," izany dia tsy midika an'io rafipandaminana an'ny andro izay iainantsika io. Meloka tahaka ny sisa amin'izy ireo mihitsy izany. Fa ny tiako lazaina dia ilay tena pentekotista, ilay tena Fanahin'Andriamanitra miaraka amin'ny Foto-pampianarana tany am-boalohany, miaraka amin'ireo fitahiana tany am-boalohany, miaraka amin'ireo anarana tany am-boalohany, miaraka amin'ny zavatra rehetra araka ny nanombohany tany amin'ny voalohany marina tokoa tahaka ny nandehanany nanerana ny Baiboly.

³⁴ Ankehitriny, avy eo rehefa tonga eo amin'ity taona ity isika, dia hitantsika hoe lasa hatraiza ny Pentekosta. Afaka mahita tsara an'izany ve ianareo any aoriania? Afaka manavaka an'izany ve ianareo eny amin'ny farany aoriania ery? Eny ary. Ankehitriny, eto no tonga, omaly hariva, ilay taona lehibe izay misy antsika *eto*, Constantin, Constantin, *C-o-n-s*; hapetrako ilay izy. Izy, satria mpanompo sampy iray, dia... nangataka an'ireto Kristiana *eto* ireto (ireo hany nanana an'ilay foto-pampianaran'ny Nikolaita) raha hivavaka izy ireo mba handreseny amin'ny ady anankiray; eny, dia ho lasa Kristiana iray izy. Nandritr'io fotoana io rehefa tao amin'ny ady izy, dia nanonofy nofy iray hoe izy dia...Tamin'ny alàlan'ny hazo fijaliana fotosy iray izay napetraka teo anoloany, dia hoy izy hoe, "Amin'ny alàlan'ity no handresenao." Ary marina izany. Noho izany dia namoha ny tafiny izy ka nandoko hazo fijaliana fotosy iray teo amin'ireo ampingany, ary izany no toerana nhaterahana na ny fiandohan'ny lamina Katolika, amin'izao andro izao, nantsoina hoe ireo Chevaliers de Colomb.

³⁵ Ankehitriny—ankehitriny, Constantin, misy...tsy afaka mitsimpona zavatra anankiray avy amin'ireo tantara ianareo, mikasika azy niova fo. Tsy misy afa-tsy politisiana fetsifetsy iray izy. Nananany tao an-tsainy ilay hevitra mba—mba

hanakambana ny fanjakany ka hanao azy hatanjaka. Noho izany izy tenany mihitsy, satria mpanompo sampy iray, dia nanompo an'ireo sampy; tamin'izay fotoana izay dia hitany fa saiky nanjavona nankao amin'ny toerana iray ilay foto-pampianaran'ny Nikolaita, noho izany dia nampiasa an'ilay paik'ady iray ihany izay hitantsika omaly hariva izy.

³⁶ Ary nilaza mialoha an'izany Jesosy efatra amby telonjato taona talohan'ny nisehoan'izany, hoe hampianatra ny foto-pampianaran'i Balama izy. Toy ny ahoana no namitahan'io Balama io an'ireo zanak'Israely, nanao azy ireo hanao fijangajangana sy—sy nanatitra...haka an'ireo zavatra naterina tamin'ny sampy, hihinana an'ireo zavatra. Ankehitriny, fantatsika fa “ny mihinana an'ireo zavatra naterina tamin'ny sampy ireo,” ny maha-izy azy marina tokoa, dia manompo. Eo am-pidirana, dia niankohoka tamin'ny sampy izy ireo, nampiditra an'ireo sampy tao amin'ilay fiangonana Kristiana; tahaka ny nataon'i Balama tany aoriana tany mihitsy, nanao an'ny Israely hanao fijangajangana, handeha hankany amin'ilay fetin'ny sampy goavana.

³⁷ Eny, nanao an'ilay zavatra iray ihany i Constantin niaraka tamin'ny paik'adiny, ary nanao fiangonana iray izy. Nanamboatra betsaka izy tao amin'ny Fivoriambe Niseana, ary avy eo izy ireo...Nanamboatra tra-tranobe lehibe maro izay nananany izy, ary nanova an'ireo ho fiangonana. Ary avy eo dia nanamboatra alitara vatoftsy goavana iray izy, voahaingo tamin'ny volamena sy vatosoa. Teo ambony teo no nametrahany karazana seza fiandrianana iray, ary nanao olona anankiray izy ho loha tahaka ny...izy dia nantsoina tamin'izany hoe “eveka iray.” Ary napetrak'izy ireo teo ambonin'io seza fiandrianana io izy, Boniface III no napetraka. Tsy nandeha teo fotsiny ihany nanao an'ireo akanjo tahaka ny—anaovan'ny tantsaha izy, fa izy ireo dia nanamboatra ho azy an'ireo—ireo akanjo tsara ka nampiakanjo azy tahaka ny andriamanitra iray ary nametraka azy teo ambony teo sy niantso azy hoe, “Ilay Vikera.” Vikera, na ilay *Vicarivs Filii Dei*, izany dia midika hoe “eo amin'ny toeran'ny Zanak'Andriamanitra.”

³⁸ Ankehitriny, izany dia ho an'izay manana fahendrena, tsipihosoraty izao: *Vicarivs Filii Dei*. Ary avy eo rehefa manipika tsipika iray ianareo eto ambany eto ka manambatra an'ireo isa, dia mahazo marina tokoa an'izay nolazain'Andriamanitra ianareo hoe ny mariky ny bibidia dia: enina amby enimpolo amby eninjato. Hitanareo, Vicarivs Filii...Ankehitriny, efa tany Roma aho ary efa tao Vatican. Ary ilay satroboninahitra telo sosona: fahefana amin'ny helo, lanitra, ary afo fandiovana. Hitanareo? Hitako ilay satroboninahitra, hitako ilay salotra, hitako ny rehetra, tany mihitsy.

³⁹ Ankehitriny, indray Alakamisy tolakandro tamin'ny telo ora no natao hihaonako tamin'ilay papa *farany* izay tany. Baron

von Blomberg no nanana an'ilay... ary tamin'izay dia hoy izy hoe, "Ankehitriny, rehefa mandeha ianao, Rahalahy Branham, ny zavatra voalohany tsy maintsy hataonao dia ny mandohalika amin'ny lohalikao ankavanana ary manoroka an'ilay peratra."

⁴⁰ Hoy aho hoe, "Tsy izy izany. Tsy izy izany. Adinoy fotsiny izany." Hoy aho hoe, "Izaho dia manome... Tsy manana na inona na inona manohitra an'ilay lehilahy aho, izy...?..." Fa hoy aho hoe, "Misy zavatra anankiray, homeko ny lehilahy iray ny titrany. Raha izy no 'Revera,' dia mety tsara izany, 'Eveka iray, Loholona, Dokotera,' na inona na inona, dia hiarahaba lehilahy iray am-pifaliana aho. Fa hivavaka amin'ny lehilahy iray ve? Lehilahy iray no omeko ny fanajako: Jesosy Kristy. Izany no lehilahy tokana hiankohofako eo anoloana." Hoy aho hoe, "Adinoy fotsiny izany. Foano fotsiny ilay izy." Tsy hanaiky an'izany aho. Ary noho izany aho...

⁴¹ Rehefa tonga tany an-trano dia hitako fa nisy Amerikana malaza hafa iray nanao an'izany, ihany koa, Teddy Roosevelt. Nandà ny hanao an'izany izy nohon'ny... Tsaroanareo ve izany ao amin'ny tantara? Fa nandà ny hijery an'ilay Papa izy satria tsy maintsy hanoroka ny perany na... Izy ireo dia nanana an'izany teo amin'ny rantsan-tongotra goavana iray, ihany koa, fantatralereo. Noho izany... Oh, tsia. Tsia, tsy izy izany. Noho izany...

⁴² Kanefa, ao... Ankehitriny, tahaka an'i Balama... Avy eo dia hitantsika omaly hariva, teo... Ankehitriny, eto aloha, alohan'ny ialantsika eto, dia nampiray ny fiangonana izy ireo ary nivady, nanaiky hevitra mpanompo sampy sasantsasany, sampy mpanompo sampy izay tao amin'ny fiangonana. Ilay andriamanitra Jupiter, ilay andriamanitra masoandro, ilay andriamanitra Mars, ilay andriamanitra Venus, ary ireo andriamanitra sampy rehetra ireo ka namoaka azy rehetra ireo avy tao amin'ireo fiangonana mpanompo sampy izy; ka nanandra tra an'i Paoly, Petera, Maria virijiny, ireo rehetra ireo, ka nanao hoe, "Ity no Vikeranareo satria Jesosy dia niteny tamin'i Petera hoe, 'Omeko anao ireo fanalahidy,' ary izy no mpandimby apostolika iray." Mbola izany foana no foto-pampianarana Katolika hatramin'ity andro ity. Ary nanandra tra sampy izy ireo. Ary inona no nataon'izy ireo? Nampiditra fanompoana sampy tao amin'ny Kristianisma, mody antsoina hoe Kristianisma; tsy tena Kristianisma, satria ireo pentekotista kely...

⁴³ Tsarovy ankehitriny, tsy milaza aho... Tsy nilaza aho hoe, "Batista, Metodista, Presbyterana," ao anatiny izy rehetra ireo. Fa ilay tena, lamin'Andriamanitra tena izy no pentekosta; efa izany, izany, ary ho izany foana! Eo no manomboka ilay Fiangonana, eo mihitsy miaraka amin'ny Hery Pentekotista.

⁴⁴ Ankehitriny, hoy ianareo hoe, "Marina ve izany, Rahalahy Branham?" Hangataka aminareo aho handray an'ireo tantara, ka hijery manerana an'ilay fizotry ny fotoana hatreto, ka hahita raha ny tsirairay avy amin'ireo tena, zanak'Andriamanitra marina dia tsy nifikitra teo amin'io Fitahiana Pentekotista io; niteny tamin'ny fiteny tsy fantatra, nandika fiteny tsy fantatra, nanana famantarana sy fahagagana, nanao batisa tamin'ny Anaran'i Jesosy Kristy. Ny zavatra rehetra izay nataon'ireo apostoly, dia nataon'izy ireo ihany koa, hatramin'ny farany tany. Izany no antony eo, teo am-pamakiana ny tantara, nandraisako an'i Paoly sy Irenée ary—ary—ary—ary hatrany amin'i Masindahy Martin, Colombia; ny tsirairay avy amin'ireo lehilahy ireo (hatrany amin'ity taona eto ity), dia nanana famantarana sy fahagagana.

⁴⁵ Eny àry. Nilaza izy fa izy ireo...ilay fanamafisam-peo dia nanana kely...Tsaratsara kokoa ve izao? Eny àry. Tsia, manozongozona ny lohany izy ireo, tsy afaka mandre ahy mihitsy ankehitriny izy ireo, ry Billy. Eny àry. Afaka ve ianareo...? Ilay izy ve...? Ankehitriny, mandre ahy ve ianareo ankehitriny? Ankehitriny, ahoana izao? Tsaratsara kokoa ve izao? Hia? Ny olona rehetra dia manao hoe, "Mety tsara." Paul, marika iray manohitra anao izany. Eny àry, eka.

⁴⁶ Ankehitriny, tao amin'ity taona eto ity tamin'izany no nanamboarany an'io zavatra goavana be io, ary nametrahany an'io lehilahy eto io ho eveka maneran-tany teo ambonin'ny fiangonana rehetra, nanome azy ireo vola betsaka sy ny sisa, ary nampanantena azy ireo, ka nanakambana ny fiangonana sy ny fanjakana niaraka, ary namela ny fiangonana hifehy ny fanjakana. Nanao azy ho lehilahy malaza iray. Noho izany dia misy marina tokoa...Ny nataon'i Constantin dia ilay tena zavatra iray ihany mihitsy izay hitantsika ao amin'ity fiangonana hafa ity, izay nolazain'Andriamanitra; hoe, tamin'ny andron'i Elia, dia namela an'io vehivavy Jezebelo io hifehy ny Zanany izy ireo; izany no niseho tao amin'ilay Taona Maizina. Ary jereo eto hoe aiza no misy ny Pentekosta ankehitriny. Oadray, oadray! Nohamaizinina tanteraka mihitsy. Ary saiky nandrity ny arivo taona, izany...nanomboka teo amin'ny 500 hatramin'ny 1500, marina, izany dia 606 hatramin'ny '530... '520, no isa marina, saingy teo amin'ny arivo taona mihitsy. Izy ireo dia...fanenjehana nihoson-drà. Vakio ny tantara.

⁴⁷ Ankehitriny, hiteny aminareo ny Katolika iray fa ny fiangonana Kristiana, izy ireo no ilay fiangonana Kristiana. Izy ireo dia fiangonana Kristiana *ara-anaram-piangonana*. Fa ireo pentekotista marina dia noroahina, novonoina, sy natao maty, ary novonoin'ireo papa sy eveka sy ny sisa ho faty, nihoson-drà arak'izay naha-izy azy.

⁴⁸ Ankehitriny, indray andro any dia ny aiko no ho vidin'izany, hitanareo, ny milaza an'izany. Fa izao no zavatra iray azo antoka, fantatro ny lèlana andehanako, fantattro ankehitriny. Mitohy mitete rà fotsiny izany. Fa tonga ny ora ankehitriny, izay hitanareo arak'izay miseho ato amin'ny firenena fa tsy ho ela intsony izany. Aza mihemotra amin'Izany mihitsy! Izany no Fahamarinana. Mijanòna tsara amin'Izany. Afanganaroy ny rànareo tahaka azy ireo tamin'izany andro izany.

⁴⁹ Ankehitriny, ato dia hitanareo izay niseho. Avy eo eto dia niditra ny foto-pampianaran'i Jezebel. Vehivavy iray i Jezebel, mpanompo sampy iray izay... Nanao an'ilay zavatra iray ihany izay nataon'i Constantin i Ahaba; nanambady an'io vehivavy io mba hampahatanjaka ny fanjakany, ka nitondra fanompoantsampy tao Isiraely tahaka ny nataon'i Constantin marina tokoa tany aorianana tany. Ary saiky vita tanteraka ny amin'ny Pentekosta.

⁵⁰ Ankehitriny, nanangana an'i Martin Luther Andriamanitra. Tiako ianareo hanamarika hoe toy ny ahoana no ihenany *eto* ary saiky nanjavona tanteraka, avy eo dia zara raha manomboka *eto*, ary midina *eto* indray. Ary somary nanisy marika mitsivalana eo amin'izany aho satria ilay izy dia—ilay izy dia lesona iray lehibe ho an'ny Alahady hariva, raha sitraky ny Tompo.

⁵¹ Ankehitriny—ankehitriny, tena mino aho fa somary mahatratra eo amin'izay misy antsika isika ankehitriny. Ankehitriny, *eto* mihitsy no misy an'ilay—ilay Taona Maizina, *eto* mihitsy, nanomboka tamin'ny 1500...nanomboka tamin'ny 606 hatramin'ny 1520. Eto mihitsy. Hapetrako *eto* izany mba ianareo... 606 hatramin'ny 1520. Izany ilay Taona Maizina, ity fiangonana *eto* ity mihitsy, ilay Taona Maizina. Ankehitriny, ity fiangonana izay idirantsika ankehitriny ity dia ny fiangonana Loterana.

⁵² Ankehitriny, saiky ny tsirairay avy tany, ireo olona ireo dia maty tao amin'ny... Ireo lehilahy tahaka an'i Irenée, sy Martin, ary Colomba, fa lasa izy ireo. Ary ankehitriny alaivo ny olona iray izay te-hikaroka tantara iray izay tianareo, raha tantara tena marina ilay izy, ka rehefa miteny aminareo izy ireo hoe "Masindahy Patrick dia Katolika iray," dia tsy fantatr'izy ireo izay resahany. Nanohitra ny fiangonana Katolika i Masindahy Patrick, ary tsy nandeha tany Roma mihitsy, fa nandà mafy ny foto-pampianaran'izy ireo. Marina tokoa izany. Mandehana mankany avaratr'i Ang-...na Irlande androany, dia hahita an'ilay zavatra iray ihany ianareo. Lehilahin'Andriamanitra iray i Masindahy Patrick! Fa, Masindahy Patrick, rehefa voalaza tany fa izy—nandroaka an'ireo bibilava rehetra tao Irlande izy, dia angano iray izany.

⁵³ Firy aminareo no efa mba namaky sy nandre mikasika an'i William Tell nitifitra paoma iray teo ambonin'ny lohan'ny

zananilahy? Angano Katolika iray izany, tsy nisy teny iray mihitsy hoe izany ilay izy. Tany amin'izay natao hitrangan'izany mihitsy aho. Voasoratra any hoe, "angano iray, tsy tena izy," any Suisse. Nipetraka tany mihitsy izaho sy i Billy teo amoron'ny Lake Lucerne izay nanaovany an'ilay—nisy an'ilay zavatra, nitifitra lehilahy iray izy; marina izany, fa tsy paoma iray teo ambonin'ny lohan'ny zananilahy. Angano fotsiny izany, finoanoam-poana sy ny sisa, tsy nisy mihitsy izany. Tsy manana firaketana an'izany izy ireo any, izay nitrangan'izany na inona, hoe mba nanao an'izany izy ireo. Ary manaparitaka azy marina tokoa ilay izy any ka miteny hoe inona ilay izy. Ankehitriny, fa ao amin'io, dia tsy misy tantara tokoa izay milaza fa nanao an'izany izy. Hitanareo.

⁵⁴ Noho izany eto, ao amin'ilay taom-piangonana, tao no saiky nanjavona izany, niala tamin'ny fisiana tanteraka. Ankehitriny ao amin'ity taona hafa ity no tonga ny taonan'ny Fanavaozana. Ankehitriny, ireto zavatra eto ireto dia saiky taorian'ny arivo taonan'ny fahamaizinana sy aizina ary fanjavonana, sy ny sisa tahaka an'izany, somary nahavery ny fijerin'i Irenée ilay fiangonana. Lehilahy malaza iray izy, lehilahy masina iray. Toy izany koa ireo an-jatony maro tamin'ireo olo-masina sarobidy izay nanolotra ny ràn'ny ainy maimaim-poana mihitsy (nitsangana tao amin'io kianja io) arak'izay vitan'izy ireo, hitanareo, ho an'ny anton'i Kristy, nohon'ny batisa amin'ny Anaran'i Jesosy Kristy, nohon'ny fitenenana amin'ny fiteny tsy fantatra, ny fitsanganan'i Jesosy Kristy velona ao amin'ny fiainana sy ny Fanatrehany Masina tany, raha nanenjika azy ireo ny olona izay *niantso* ny tenany ho Kristiana. Marina izany. Marina tokoa izany.

⁵⁵ Oh, izany dia—izany dia legionan-demonin'ny helo mendrika ny tsy fantatra hoe inona. Niakatra tahaka an'izany ka nifanamboatra ary nanao ny tenany, "miantso ny tenany ho mpaminanivavy, mpandika masina iray an'ny Teny, tsy misy olona mahafantatra an'izany afa-tsy izy ireo." Miantso ny tenany, saingy mpandainga iray izy. Hitanareo? Mahita ianareo eo. Fa tamin'io fotoana io ihany; nanana ny Anjeliny teo, niaraka tamin'ny Fahamarinana. Hiverina amin'Ity foana ny Fahamarinana. Hitanareo? Miverina amin'ny tany am-boalohany foana, satria tsy miova amin'Izany mihitsy Andriamanitra.

⁵⁶ Ankehitriny, ary hitantsika koa, omaly hariva, alohan'ny ialantsika amin'ity, mba hilentehany ao am-ponareo. Tsy nanao fotsiny... Ao amin'ny tandindona, Jezebela, izy dia nanana za—zanakavavy iray. Tsaroanareo ve izany? Ary nilaza ny Apokalypy 13 fa io fiangonana nihemotra io, Roma, dia nanana zanakavavy. "Izy no renin'ny mpijangajanga." Marina ve izany? Nanana zanakavavy iray i Jezebela, ary nataon'i Jezebela inona ny zanakavaviny? Hitanareo ve hoe ahoana ireo

zavatra rehetra ireo, ireo tandindona sy aloka. Hitan'i Jezebel afa nanambady an'i Jorama ny zananivavy, izay zanakalahin'i Josafata tao Jodia.

⁵⁷ Voazara i Israely tamin'izany fotoana izany, tahaka an'izao. Eto no misy an'i Jerosalema *eto*, ary eto no misy an'i Jodia *eto*. Eny, Ahaba no *teto*, ary Jorama no *teto*. Eny àry, Jezebel dia nandresy *an'ity*, nandray an'ireo sampy ny Israely rehetra. Noho izany... (Ny rehetra afa-tsy i Elia sy ilay vondrona kely mahatoky.) Eny àry. Ankehitriny, *teto amin'ity* ilany ity no nisy an'i Jorama tao Jodia; ary rehefa nahazo an'ilay zazakely tamin'ny alàlan'i Ahaba izy, dia nitondra *an'io* zazavavy io ka nampanambady azy tamin'ny zanakalahin'i Jorama... na tamin'ny zanakalahin'i Josafata dia Jorama, ary nampiditra fanompoan-tsampy tao Jodia, ka nametraka alitaran'ny mpanompo sampy tao Jerosalema.

⁵⁸ Izany marina tokoa no nataon'ny fiangonana Katolika! Namoaka ny foto-pampianaran'ny anaram-piangonany sy ny sisa izy, ary nanaisotra ny Fanahy Masina avy tao amin'ny fiangonana *teto* niaraka tamin'ny zananivavy (Loterana, Metodista, Batista, Pentekotista, sy ny sisa). Izany marina tokoa no nataony. Hoy ny Baiboly hoe, “Izy no renin'ny mpিজাঙ্গাঙ্গা.”

⁵⁹ Ankehitriny, jereo fotsiny manerana ny Soratra. Raha mahita ianareo—raha mahita zavatra iray samihafa amin'ny fomba hafa ianareo ao amin'ny Soratra, sy ny tantara mikasika marina tokoa an'ireo teboka iray ihany ireo, dia manatòna ahy amin'ny maha-lehilahy mihaja. Hitanareo? Marina izany. Tsy ao izany!

⁶⁰ Ireto anaram-piangonana ireto no zavatra misy poizina izay hany nananantsika tao amin'ny Protestantisma, miezaka manao ny olona hitantana ny fiangonana, sary iray hafa mitovy amin'ilay anankiray izay mipetraka eo ambonin'io seza fiandrianana io. Ilay lohan'ny eveka, ireo mpanaramaso ambonin'ny Pentekosta, “Eny, ankehitriny, avelao aho hahita, inona ny foto-pampianarany? Oh, nanao batisa tamin'ny Anaran'i Jesosy ve izy? Tsy afaka tonga ato amin'ity izy. Tsia, tompoko, rahalahy. Lavo Izany.” Ary nolavina koa izany. “Homeko anareo mba hahazoana, aza mandeha mankany amin'io favoriana any io ny iray aminareo. Avelao any. Tsy mampaninona na marary toy ny ahoana aza ianareo, alaviro, tsy mampaninona izay ataon'Andriamanitra. Raha tsy mijery amin'ny alàlan'ny solomasonay ianareo, nahoana, dia tsy mahita mihitsy.” Mitondra ny sarin'ny bibidia! Ary nanana aina hiteny ilay sary. Marina tokoa izany. Raha mihevitra ianareo fa tsy mahay miteny izy, dia tohero kely indray mandeha fotsiny izy. Ah-hah, azo antoka fa mety ho tratry ny olana ianareo.

⁶¹ Tsaroako, tany Tulsa, Oklahoma, izaho dia... Oh, tao anatin'ny fifanjevoana mahatsiravina iray aho tany, nanomboka

nisavily ireo anaram-piangonana ireo tany. Ary nipetraka tao anatin'io tranobe io aho indray andro ary nahita fa—fahitana iray. Hitako ny—ny kely... zana-tsaka kely, tsara tarehy, ary nandry teo ambonin'ny ondana landy iray izy, ary biby kely iray mahafatifaty indrindra izy. Dia nanatona teo aho (ary matakotra saka aho), dia nandeha teo aho ka nanomboka nisafosafo azy, ary izy nanao hoe, “prrr, prrr.” Fantatrareo hoe ahoana no anaovan'izy ireo an'io tabataba mahatsikaiky io, fantatrareo. Ary nisafosafo azy aho, hoy aho hoe, “Zana-tsaka kely, tsara tarehy.” Dia hoy izy hoe, “prrr,” nahafinaritra mihitsy, fantatrareo.

⁶² Dia nojereko tao ambadiky ny ondany, izao no voalaza hoe, “Zana-tsaka Pentekotista.” Eny, nieritreritra aho hoe, “Ankehitriny, tsy hafahafa ve izany.” Dia hoy aho hoe, “Tsy maintsy ho fahitana iray ity.”

⁶³ Dia nisy Zavatra nanao hoe, “Raha mbola misafosafo ny volony tahaka an’izao foana ianao, dia mety tsara; fa ankehitriny raha tianao ny hahita hoe avy tamin’ny inona no nanaovana azy, dia safosafoy mankany aoriana ny volony.” Hitanareo? Noho izany rehefa nosafosafoiko nankany aoriana ny volony, dia nivoaka ireo masonry, maitso, ary sampona iray izy nitsangana teo nandrora ahy mafy arak’izay vitany. Hitanareo, misafosafo ny volony mankany aoriana kely fotsiny. Teneno aminy fa ny batisany amin’ny “Ray, Zanaka, ary ny Fanahy Masina” dia avy amin’ny devoly ary avy amin’ny fiangonana Katolika, dia diniho izay mitranga aminy. Hitanareo? Mitsangana ny volony.

⁶⁴ Nidina aho, nilaza tamin-dRahalahy Gene sy izy ireo, nidina tao... oh, Rahalahy Leo sy izy ireo, hoy aho hoe, “Azoko antoka fa nahazo tena fahitana iray ny amin’ireo anaram-piangonana Pentekotista aho tao amin’io.”

⁶⁵ Ankehitriny ny toko faha-3, ndao isika aloha... Sardisy dia fiangonana maty iray. Maty izy satria novonoina izy ireo nandrity fotoana ity. Ampahan’Aina kely fotsiny, ho hitantsika afaka minitra vitsy hoe inona izany, vetivety fotsiny. Nanomboka tamin’ny 1520 hatramin’ny 1750 ity Taonan’i Sardisy ity. Ary ilay kintana, na ilay anjelin’ny... Ilay kintana izay teny an-Tanany, dia ilay anjely na ilay iraka an’ity taom-piangonana ity. Azo mazava tsara ve izany? Hoe ny kintana dia anjely iray, ary ny anjely dia iraka iray ho an’io taona io. Eny àry. Eny àry.

⁶⁶ Ankehitriny dia efa nahavita ny amin’ny Fivoriambe Niseana isika. Tao izy no maty, ary ny rehetra dia niditra tao amin’ny fahefana sy voninahitra, ny fiangonana sy ny fanjakana nikambana. Ary misy olona iray afaka mahatsiaro ve hoe inona no nolazain’ny lesona omaly hariva, inona no noheverin’ny olona maro? “Efa tonga ny Arivo taona.” Ary ny rehetra... “Mampiditra ny Arivo taona tsy misy ny fihavian’i Kristy.”

Hitanareo? Ny fihavian'i Kristy no mampiditra ny Arivo taona, zavatra voalohany. Ary tao amin'ireo andro ireo izy ireo dia nanana... Raha raisinareo ny tantara, dia mahita ianareo fa efa nanana an'ireo Jesosy sandoka nitsangana sy ny zavatra hafa rehetra izy ireo, hitanareo. Ary nihevitra mihitsy aza izy ireo fa ilay papa no Jesosy, niantso azy hoe *vikera* iray, "eo amin'ny toeran'ny Zanak'Andriamanitra." Hia, andriamanitra masina goavana, mitovy, mipetraka eo.

⁶⁷ Mamelà ahy hiteny zavatra anankiray aminareo. Milaza ny Baiboly fa rehefa tonga Jesosy... alohan'ny Ahatongavany, "Dia hisy mpaminany sandoka hitsangana, ary hisy ireo Jesosy sandoka hitsangana." Marina izany. "Indro, eto..." Fa mamele ahy fotsiny handentika an'ity ao am-ponareo: tsy hisy Jesosy iray mihitsy hametraka tongotra iray eto amin'ity tany ity raha tsy efa nakarina ilay Fianganana ka lasa. Ankehitriny, ampidiro ao an-tsaina mihitsy izany, satria hisy ireo kristy sandoka hitsangana. Fa tsy ho eto an-tany eto Jesosy; satria hotsofina ny trompetra, ary tsy Izy mihitsy no ho tonga, fa isika no mitsena Azy eny amin'ny habakabaka. Efa lasa ilay Fianganana. Ary avy eo rehefa miseho Jesosy, dia ho ny fiverenana indray izany. Ireo Jentilisa no mandeha mitsena Azy eny amin'ny habakabaka. Ny Soratra ve izany? Hitanareo? Mandeha mitsena Azy eny amin'ny habakabaka izy ireo, ary avy eo dia miakatra isika. Ary Jesosy dia... tsy mametraka ny Tongony eto amin'ity tany ity mihitsy raha tsy efa nakarina ilay Fianganana ka nentina any an-Trano ary tapitra ilay Sakafo harivan'ny Mpanambady any An-danitra; avy eo dia miverina indray Izy ho an'ireo Jiosy sisa nanamborana.

⁶⁸ Noho izany ankehitriny dia vita ilay izy, ilay Fivoriambe Niseana, ny fianganana dia efa—efa teo ambanin'ny fanjakana papaly saiky nandritry ny arivo taona. Novonoin'izy ireo izay rehetra tsy nifanaraka taminy. Marina izany. Na ianareo tonga eo ambanin'izany na ianareo dia—ianareo dia—novonoina ianareo, tahaka ny nataon'i Jezebelatamin'ny Isiraely.

⁶⁹ Niala tanteraka ny Fanahy Masina afa-tsy tena vitsy nandritr'ity taona ity, tahaka an'i Elia sy ilay sisa nanamborana'ny Isiraely izay tsy nandohalika teo amin'i Bala. Raha tianareo ny hamaky an'izany eo, izany dia ny Mpanjaka Voalohany, ny toko faha-19, ary ny andininny faha-18, rehefa nitsangana i Elia tany tao anatin'ilay zohy ka hoy izy hoe, "Tompo, izy ireo—novonoin'izy ireo ny mpaminaninao rehetra. Nanao ny zavatra rehetra izy ireo, ary izaho—izaho irery sisa. Ary izaho no hany afa-nandositra." Fa niteny taminy Andriamanitra fa mbola nanana an-jatony maro Izy izay tsy nandohalika tamin'i Bala, tao amin'ilay laïka tany.

⁷⁰ Ary noho izany, Sardisy, manomboka isika ankehitriny. Ilay tena teny hoe *Sardisy*, ny andininny faha-1. Ny teny hoe *Sardisy*, amin'ny teny Anglis, dia midika, raha tianareo ny hanamarina

an'izany, dia midika hoe "ilay hany afa-nandositra." Ny tena *Sardisy* dia "ilay hany afa-nandositra." Izany no dikan'ny *Sardisy*, eny àry, "ilay hany afa-nandositra." Ankehitriny, hitanareo, ary "ilay hany afa-nandositra."

⁷¹ Ankehitriny dia hanomboka eo amin'ny faha-1 isika. Tena... Isika dia hiantso azy hoe ny *taonan'ny Fanavaozana* ary tena zavatra mety tsara ho an'ity fanavaozana ity raha hiantso azy an'izany isika, satria izany dia... Ny fanavaozana dia "ireo hany afa-nandositra" izay niala ary afa-nandositra avy tao amin'izany.

⁷² Ankehitriny dia ndao alaintsika ny andininy faha-1:

...soraty ho amin'ny anjelin'ny fiangonan'i *Sardisy*;
Izao zavatra izao no lazain'ilay manana...an'ireo
Fanahy fiton'Andriamanitra, sy ireo kintana fito;
Fantatro ny asanao, fa ianao dia manana anarana iray
ho velona, nefá maty.

⁷³ Ankehitriny ilay fiarahabana. Ankehitriny, ireo Fanahy fito dia... "Ireo Fanahy fito sy kintana fito." Ireo Fanahy no ireo anjely izay nanatona an'ireo kintana dia ireo iraka. "Fanahy fito," impito samihafa no nanosoran'ny Fanahy Masina ny iraka iray, izay kintana iray tamin'ny androney. Ny—ny Fanahy iray dia Mandrakizay, ary ilay kintana dia natao ho an'ny tanjona iray hampitaratra ny Hazavana ao amin'ny aizin'ireto taom-piangonana ireto izay asehon'ireo labozia sy kintana. Ilay anjely, ilay Fanahy, no anankiray izay nanatona an'ilay kintana ka nampitaratra an'ilay Hazavan'ny Fanahy Masina tamin'ny alàlan'io kintana ho an'io taom-piangonana io. Izany, mety mahafantatra ianareo... manontany hoe iza ireo Fanahy fito. Izany dia ireo iraka fiton'ireo taom-piangonana fito. Hitanareo? Ankehitriny, ary isaky ny niditra teo amin'ny sehatra io kintana io, dia nidina ny Fanahy Masina ka nanosotra an'io kintana io ary nihazona azy marina tokoa tahaka an'ilay anankiray voalohany.

⁷⁴ Ankehitriny dia mamelà ahy—mamelà ahy hanamafy an'izany aminareo. Nilaza i Paoly, raha te-hahafantatra ianareo hoe karazana kintana inona izany. Satria, tsarovy, Satana dia kintana iray, ihany koa, kintan'ny maraina. Mariho ankehitriny, Paoly dia nilaza... Mino ve ianareo fa izy no kintana ho an'ny fiangonana Efesosy? Nilaza izy, ankehitriny, raha te-hahafantatra ianareo na marina Izany na tsia. Ao amin'ny Galatiana 1:8, nilaza i Paoly, miteny eo, fa any aoriania dia ho avy ny fotoana, ary ireo amboadia masiaka sy ny sisa, hoy izy hoe, "Raha anjely iray no midina avy any an-danitra ka mampianatra filazantsara hafa iray..." (Ankehitriny, fantany fa ho avy io olona io izay hitovy amin'ny anjely iray ary *vikera* goavana iray.) Hoy izy hoe, "Tsy mampaninona na iza ilay izy, raha anjely iray na olona iray no hany tonga ka mampianatra zavatra hafa

anankiray ankoatr'ity Filazantsara izay nampianarinay anareo ity, dia aoka izy ho voaozona." Marina ve izany?

⁷⁵ Paoly no anankiray izay nanery azy ireo hatao batisa indray raha tsy natao batisa tamin'ny Anaran'i Jesosy Kristy izy ireo, "Avia ary aoka haverina hatao batisa indray mba handray ny Fanahy Masina," Asa 19:5. Izy ihany koa no anankiray izay nametra-tàhana teo amin'ny olona, sy ireo fanomezam-pahasoavana, ary nametraka ny fiangonana tao amin'ny lamina niaraka tamin'ny asan'ny fahagagana, fansisitranana avy amin'Andriamanitra, fanomezam-pahasoavan'ny fiteny tsy fantatra, fandikana fiteny tsy fantatra. Marina ve izany? Korintiana Voalohany 12, jereo izay nolazain'i Paoly. Korintiana Voalohany 12, dia ho hitanareo izany. Izy no nametraka tao amin'ny fiangonana... Andriamanitra no nametraka an'ireo fanomezam-pahasoavana lehibe ireo tao amin'ny fiangonana; ary i Paoly no nametraka azy ireo tao amin'ny lamina, sy nanao azy ireo tao amin'ny lamina mba ahafahan'izy ireo hiasa ho an'ny voninahitr'Andriamanitra. Paoly no nilaza an'izany. Noho izany raha misy olona iray, tsy mampaninona na inona no anarampiangonana ikambanany, izay manandrana miteny aminareo fa ireo andron'ny fitenenana amin'ny fiteny tsy fantatra, fandikana fiteny tsy fantatra, fansisitranana avy amin'Andriamanitra, sy ireo fahagagana, ary ny vavolombelon'ny Fanahy Masina tahaka ny batisa... aoka izy ho voaozona. Satria ilay Fanahy iray ihany izay teo amin'i Paoly no ho ilay Fanahy iray ihany izay nirahina ho an'ilay taom-piangonana manaraka, ilay iray ihany ho an'ilay taom-piangonana manaraka, ary ilay iray ihany mitohy hatrany amin'ny faran'ilay taom-piangonana. Ilay Fanahy iray ihany, ny Fanahy Masina. Mino an'izany ve ianareo?

⁷⁶ Raha mahamarika an'ity ianareo, dia voasoratra eto ity. Nahafantatra ilay mpanoratra. Jereo, ireo "Fanahy fito." Diniho: "F" lehibe, Fanahy Masina, ny iray amin'izy ireo fotsiny ihany. Ah-hah. Ilay Fanahy Masina iray ihany no tonga impito teo amin'ireo taom-piangonana fito rehetra izay mitondra an'ilay Hazavana iray ihany. Azonareo ve ilay izy ankehitriny? Taompiangonana fito, impito no hitondran'io Fanahy Masina io an'ity Hafatra iray ity ihany! Ka ozona iray no voatonona ho an'ny olona iray izay hanova an'Izany.

⁷⁷ Ankehitriny jereo raha mifanaraka amin'ny fanambarana an'ilay zavatra manontolo izany. Hoy Izy hoe, "Na iza na iza hanaisotra na hanampy, dia toy izany koa no hanesorana (ny anjarany) avy ao amin'ny Bokin'ny Fiainana." Izany hoe voasarona ilay zavatra manontolo arak'izany. Noho izany dia tsy misy efitra hitsambikinanareo na hitsofohanareo ao amin'ny toeran-kafa iray, hitanareo, satria izany Izy. Izany no nolazain'Andriamanitra, izany no nolazain'ny Fanahy, ary izany no nolazain'ireo Fiangonana. Ankehitriny, raha manandrana mampiditra an-keriny karazana foto-pampianarana iray hafa

noho izay nampianarin'i Paoly ianareo, dia diso izany! Ny Baiboly no marina. Ny fiainany... Hoy Jesosy hoe, "Hesoriko avy ao amin'ny Bokin'ny Fiainana ny anjarany."

⁷⁸ Ankehitriny, hoy ianareo hoe, "Anjara inona avy ao amin'ny Bokin'ny Fiainana?"

⁷⁹ Misy olona maro izay manana ny anarany ao amin'ny Bokin'ny Fiainana izay azo antoka fa hofoanana. Fantatrareo izany, sa tsy izany? Tsaroanareo ve ilay fampianarana indray hariva? Efa azonareo ve izany? Angamba hiverenako izany; toa tsy mbola azo tsara; tsy tsapa tsara, hitanareo.

⁸⁰ Jodasy Iskariota no zanak'i Satana, devoly iray voaseho tao amin'ny nofo izy. Ny Baiboly no nilaza fa izany izy. Hoy ny Baiboly hoe, "Teraka ho zanaky ny fahaverezana izy."

⁸¹ Diniho iray minitra fotsiny izany. Ankehitriny, eto amin'ity no nisy an'i Jesosy; *eto* no nisy an'ilay mpangalatra teo Ankavanany; *eto* no nisy an'ilay anankiray teo Ankaviany. Ankehitriny, rehefa... Jesosy no Zanak'Andriamanitra. Marina ve izany? Ankehitriny, ny olona sasany dia mahita hazo fijaliana telo fotsiny ihany, saingy nisy efatra. Hazo fijaliana efatra! Ankehitriny, inona ny hazo fijaliana iray? Hazo iray izany. Marina ve izany? Hoy ny Baiboly hoe, "Voaozona izay mihantona eo amin'ny hazo." Ary natao ozona ho antsika Izy, nihantona teo amin'ny hazo Izy. Efa voakapa ilay izy, saingy hazo iray izany. Marina ve izany? Eny àry. Eto ambany *eto*, teo amin'ny farany ambanin'ny havoana, dia nisy anankiray hafa nitsangana. Nanantona ny tenany teo amin'ny hazo aviavy iray Jodasy. Marina ve izany?

⁸² Jereo! *Eto* no misy an'ilay Zanak'Andriamanitra; tonga avy tany An-danitra, niverina nankany An-danitra, nitondra an'ilay mpanota nibebaka niaraka Taminy. *Eto* no misy an'ilay zanaky ny fahaverezana; tonga avy tany amin'ny helo, niverina nankany amin'ny helo, nitondra niaraka taminy ("Raha Ianao no!") an'ilay mpanota tsy nibebaka. Hitanareo, ilay mpanota tsy nibebaka, "Raha Ianao no Zanak'Andriamanitra, dia vonjeo ny Tenanao ary izahay ihany koa."

⁸³ *Ity* anankiray ity dia nanao hoe, "Isika dia..." (teo am-pitoriana, io mpitoky ny Filazantsara io) "Mendrika an'izay manjo antsika isika, fa ity lehilahy ity dia tsy nanao na inona na inona. Tompo, tsarovy aho rehefa tonga any amin'Ny Fanjakanao Ianao." Iza io?

⁸⁴ Dia...?... kely fotsiny omaly hariva na ny hariva talohany. *Ity* dia i Abelan'Andriamanitra; *eto* dia ilay Kainan'ny devoly. Tahaka ny namonoan'i Kaina an'i Abela teo amin'ny alitara, no namonoan'i Jodasy an'i Jesosy teo amin'ny alitara. Marina izany. Ilay setroka dia miakatra mihitsy *teto* tao Edena ary midina *eto* mihitsy indray. Marina tokoa izany.

⁸⁵ Oh, be voninahitra Izany, io lèlana trrainy io, ilay lèlana trrainy voatahy, feno voninahitra mihitsy.

⁸⁶ Ankehitriny, ankehitriny dia hitantsika eto (Miala tsiny aho.) fa ity fiangonan'i Sardisy ity, ho amin'ilay anjely, dia hoy Izy hoe, "Ireo Fanahy fito; Izy izay manana an'ireo Fanahy fito."

...soraty ho amin'ny anjelin'ny fiangonan'i Sardisy;
Izao zavatra izao no nolazain'ilay manana an'ireo
Fanahy fiton'Andriamanitra, . . .

⁸⁷ Ary firy ankehitriny no mahafantatra fa Andriamanitra dia Fanahy anankiray? Azo antoka. Andriamanitra, ny Fanahy Masina. Andriamanitra, Ray, Fanahy Masina, ny rehetra dia ilay Olona iray ihany, satria Maria dia nitoe-jaza avy tamin'ny Fanahy Masina. Ankehitriny, ny . . . fa Andriamanitra dia nampiasa an'io Fanahy Masina io tao amin'ireo Hazavana evanjelika fito samihafa ho an'ilay Fiangonana, ireo taom-piangonana fito. Azonareo ve ilay izy? Ireo taom-piangonana fito.

⁸⁸ Ankehitriny, hoy ianareo hoe, "Tsy manao an'izany Andriamanitra." Oh, eny, rahalahy.

⁸⁹ Jereo! Nampiasa ny Fanahin'i Elia Izzy, ary rehefa lasa i Elisa . . . Lasa i Elia, dia nandray ampanah-droa tamin'Izany i Elisa. Ary rehefa narary i Elisa ka maty, tamin'izay fotoana izay dia niverina teo amin'i Jaona Mpanao-batista indray Izany. Ilay zavatra iray ihany, nanao azy hihetsika mihitsy tahaka ny nataon'i Elia, nipetraka tany an-efitra sy ny sisa. Marina ve izany? Ary voalaza mialoha fa hiverina indray amin'ny andro farany, hitanareo. Mampiasa an'ilay Fanahy hatramin'ny farany mihitsy Andriamanitra.

⁹⁰ Ary voahosotry ny Fanahy Masina Jesosy, nandeha nanao ny tsara. Marina ve izany? Ary ilay Fanahy Masina iray ihany no teo amin'i Jesosy, niverina avy hatrany tao amin'ilay Fiangonana tamin'ny Andron'ny Pentekosta, miverina avy hatrany ao amin'ilay taona manaraka, ilay taona manaraka, ilay taona manaraka. Ary inona Izany? Ilay Fanahy Masina tokana sy iray ihany. Oh, tsy hitanareo ve? Andriamanitra eo ambonintsika, ao amin'ny Ray; Andriamanitra miaraka amintsika, ao amin'ny Zanaka; Andriamanitra ao anatintsika, ao amin'ny Fanahy Masina. Izany dia ao amin'ireo asa telo, fa tsy andriamanitra telo. Hitanareo? Ary ireo titra telo ireo (Ray, Zanaka, ary Fanahy Masina) dia an'ny Anarana anankiray ihany: Jesosy Kristy. Eny àry.

⁹¹ Ankehitriny, diniho raha manohy isika. "Ireo Fanahy fito," hoy Izy izay mihazona . . . Amin'ny teny hafa, "mihazona an'ireo Irany" Ireo iraka izay ho voahosotry ny Fanahy Masina, miaraka amin'io Fanahy Masina iray io ihany izay i Paoly (ilay anankiray voahosotra, ny faharoa, fahatelo, fahefatra, fahadimy, fahenina, ary fahafito, izy rehetra ireo dia eo an-

Tànnany ankavanana. Oh, misintonia ny heriny sy ny Hazavany avy eo an-Tànnany ankavanana.

⁹² Ankehitriny, niakatra any amin'ny Avo Izy. Ary nilaza i Filipo, rehefa teo am-pahafatesana izy... Na Stefana no nilaza hoe, "Mahita ny lanitra misokatra aho, sy ny... sy Jesosy mipetraka eo an-tànana ankavan'an'Andriamanitra." Tsy midika izany fa manana tònana goavana be iray mihitsy Andriamanitra ary Izy mipetraka eo ambonin'izany, fa ny *tònana ankavanana* dia midika hoe ny tònana ankavan'an'ny "hery sy fahefana."

⁹³ Io vatana izaynoforoin'Andriamanitra io... "Tsy hamela Ny Iray Masiko hahita ny lò, sady tsy hahafoy ny Ainy ao amin'ny helo Aho, fa hanangana Azy ka hametraka Azy eo amin'ny toeran'ny Fanahy eo ambonin'ny alitara." Diniho! Rehefa hitan'izy ireo Izy—Izy mipetraka teo ambonin'ny alitara, ka nanana ny Boky teny an-Tànnany, ka tsy nisy olona teto ambonin'ny tany na tany ambanin'ny tany, na taiza na taiza, afaka na mendrika hijery an'ilay Boky aza; fa Zanak'ondry iray satria efa voavono hatramin'ny fanorenana an'izao tontolo izao Izy, tany aoriana tany amin'ny fiandohana rehefa nieritreritra an'io vatana navotana io Izy aloha, no tonga ka nandray an'izany avy teo an-tònana ankavan'an'Ilay mipetraka eo ambonin'ny Seza fiandrianana, ary mipetraka, Izy tenany. Amena. Eo ianareo izao. Izany no Soratra. Tsara tarehy mihitsy izany, hitanareo.

⁹⁴ Ankehitriny, "Izay maharesy dia hipetraka miaraka Amiko eo amin'Ny Seza fiandrianako, tahaka ny Nandreseko ka ipetrahako eo amin'ny Seza fiandrianan'Ny Raiko." Amin'ny teny hafa, "Nentiko ao anatin'ny Vatako ny Fanahy Masina. Naharesy ny zavatra rehetra an'izao tontolo izao Aho (teo amin'ny fakam-panahy) tamin'ny alàlan'ny Fanahy Masina, ka naharesy!" ("Ary ao Aminy no itoeran'ny fahafenoan'ny Maha-Andriamanitra ara-batana.") "Ny fahefana rehetra any An-danitra sy ety an-tany dia efa nomena eo an-Tànako," hoy Izy. Ny fahefana rehetra! Noho izany dia tsy manana fahefana Andriamanitra raha olona hafa iray Izy. Satria nilaza ny Baiboly, nilaza Jesosy, taorian'ny Fitsanganany, fa "Ny fahefana rehetra any An-danitra sy ety an-tany, izy roa, dia nomena teo an-Tànako."

⁹⁵ Ary tonga avy any An-danitra Jesosy miaraka amin'Ireo Olo-masiny an'alinalina, ary milaza ny Baiboly fa "ny Lanitra dia foana nandrity ny antsasaky ny ora." Aiza io olona goavana io, Andriamanitra, arak'izany? Ah-hah. Hitanareo? Tao amin'i Kristy Izy. Azo antoka! Ary satria naharesy tamin'ny alàlan'ny Fanahy Masina tahaka ny nandreseny isika, dia hipetraka hiaraka Aminy isika rehefa mandray ny seza fiandrianan'i Davida eto an-tany Izy, mba hipetraka sy hanjaka miaraka Aminy tahaka ny Nataony tany Ambony tany, (Amena!) miaraka amin'ny hery sy ny fahefana eo ambonin'ny tany rehetra. "Ary

izy ireo dia... misento ny tany, miandry ny fanehoana an'ireo zanak'Andriamanitra mba ho voaseho, zanak'Andriamanitra."

⁹⁶ Satria, sady izay koa, ity tany ity dia tsy nomena ho fehezin'Andriamanitra. Ndao isika hanamarika fa marina izany. Iza no andriamanitry ny tany? Ny olona! Izany no faritrany. Ny rehetra, ny zavatra rehetra eto an-tany dia fehezin'ny olona. Lavo tamin'ny alàlan'ny fahotana izy; miverina indray izy amin'ny alàlan'ny herin'i Kristy manavotra. Marina izany, satria an'ny olona ny tany, nomena azy izany ary izy no mpifehy eo amin'ny zavatra rehetra. Ary misento ny natiora rehetra, miandry an'io fotoana izay hisehoan'ireo zanak'Andriamanitra io indray. Oh, izaho; oh, oadray! Fanehoana an'ireo zanak'Andriamanitra. Ankehitriny, tsaratsara kokoa amintsika ny mamela an'izany izao ankehitriny izao.

⁹⁷ Fa, ireo iraka dia eo an-Tànany ankavanana, miandry. Na aiza na aiza Anirahany azy ireo, dia hiteny an'ilay zavatra iray ihany izy ireo. Satria ny Fanahy Masina izay tao amin'i Kristy... Oh! Ilay Fanahy izay tao amin'i Kristy! Rehefa lasa Izy, dia hoy Izy hoe, "Vetivety foana dia izao tontolo izao..." (*kosmos*, ilay teny grika izay midika hoe 'lamin'izao tontolo izao'; tsy ny tany, izao tontolo izao, ny lamin'izao tontolo izao) "...dia tsy hahita Ahy intsony..." (ireo anaram-piangonana, na inona koa) "...dia tsy hahita Ahy intsony. Kanefa ianareo hahita Ahy..." (ilay Fiangonana, ilay mpino) "...satria Aho..." ("Aho," mpisolo anarana dia marina) "...homba anareo Aho, ho ao anatinareo mihitsy aza, hatramin'ny fahataperan'izao tontolo izao." "Jesosy Kristy no tsy miova omaly, anio, ary mandrakizay." Hitanareo ve Izany?

⁹⁸ Noho izany raha izany no Fanahy Masin'i Kristy izay tonga tamin'ny Andron'ny Pentekosta ka nanao an'ireo zavatra ireo, dia izany no Fanahy Masin'i Kristy izay nanohy *teto*, Fanahy Masin'i Kristy mbola mihazona foana *eto*, Fanahy Masin'i Kristy mbola mihazona foana *eto*, manohy *eto* hatramin'ny fahataperan'izao tontolo izao. Ilay Fanahy Masina iray ihany izay nameno an'i Paoly tamin'ny Fanahy Masina sy ireo zavatra izay nataony, no hameno an'ity anankiray ity (Irenée) ho feno ny Fanahy Masina, hameno an'i Martin ho feno ny Fanahy Masina, hameno ny sisa amin'izy ireo ho feno ny Fanahy Masina, ary Izany no nameno ahy sy ianareo ho feno ny Fanahy Masina, ary izany no Fitahiana Pentekotista avy teo amin'ny taom-piangonana anankiray mankany amin'ilay hafa; Alfa sy Omega, ny Fiafarana sy ny Fiandohana, sy ny Rehetra, Faka sy Solofon'i Davida, Kintan'ny Maraina, Raozin'i Sarona, Lisin'ny Lohasaha, inona koa, Ray, Zanaka, Fanahy Masina, Izy izay Nisy, Izay Misy, ary Ho Avy, ilay Alfa, Omega, ny Rehetra, ny Rehetra ao amin'ny Rehetra! Oh, oadray! Hanao ahy hihira hira iray izany:

Oh, ataonareo ho iza moa Aho, (hoy Jesosy) avy taiza no nolazainareo fa Nihaviako,
Fantatrareo ve Ny Raiko, na afaka miteny Ny Anarany ianareo?

Hoy Izzy hoe: Izaho no Alfa sy Omega, ny fiandohana hatramin'ny fiafarana,
IZAHO IZAY IZY no famoronana manontolo, ary Jesosy no ilay Anarana.

IZAHO IZAY IZY no nireshaka tamin'i Mosesy tao amin'ny roimemy nirehitra iray,
IZAHO IZAY IZY no Andriamanitr'i Abrahama, ny Kintan'ny Maraina sy Mamiratra. (Marina izany.)

IZAHO IZAY IZY no RAOZIN'i Sarona, ka avy taiza no nolazainareo fa Nihaviako?

IZAHO IZAY IZY no famoronana manontolo, saingy Jesosy no ilay Anarana.

⁹⁹ Ny fianakaviana rehetra any An-danitra sy ety an-tany dia mifatotra amin'io (maneran-tany, voatahy, feno ny Fanahy Masina, nitsambikina, nomen'ny Fanahy Masina anarana, notenenin'ny Fanahy Masina, nateraky ny Fanahy Masina) Anarana anankiray io. Marina izany. Andriamanitra no nanome an'Izany ho an'ny fianakaviana rehetra any An-danitra sy ety an-tany. Ary ny zavatra rehetra ao anatiny, ny lohalika rehetra, dia hiankohoka amin'io Anarana io. "Fa tsy misy Anarana hafa nomena ety ambanin'ny Lanitra izay tsy maintsy hahavonjy ny olona." Tsy hoe *angamba, tokony ho*, fa *tsy maintsy hahavonjy*. Oh, tiako Izany. Tsara mihitsy Izany. Eny àry.

¹⁰⁰ "Eo an-Tànany ankavanana." Ankehitriny mahita ve ianareo? Izany dia Fiagonana pentekotista iray; hery, famantarana, fahagagana izay natao hatramin'ny farany. Ankehitriny isika dia... Nahavita an'ireo Taona Maizina izay saiky nahasempotra an'Izany tanteraka. Ankehitriny dia ndao alaintsika ity andininy faha-2 ity. Oh, mino aho fa hanohy fotsiny isika eo amin'ny—ny kely fotsiny amin'ity anankiray faha-1 ity foana:

...fantattro ireo asanao, fa ianao dia manana anarana
ho velona, nefy maty.

¹⁰¹ Mivadika eo amin'ilay fiagonana manaraka eto, mahita ianareo hoe, "Fa tsy nandà ny anarako ianao." Ilay fiagonana manaraka, "Tsy nandà ny anarako." Fa ao amin'ity fiagonana ity, "Ianao dia manana anarana iray." Diniho eto! *Ity* fiagonana ity dia nihazona Ny Anarany; *ity* fiagonana ity dia nihazona Ny Anarany; *ity* fiagonana ity dia nihazona Ny Anarany; ary *ity* fiagonana ity dia nandalo tao amin'ny Taona Maizina ka tsy nisy na inona na inona voalaza mikasika azy; rehefa tonga teo amin'ny Fiainana izy ireo teto amin'ity ilany ity,

ilay afa-nandositra kely voalohany, rehefa namoaka azy ireo i Luther, “Ianao dia manana anarana *iray* ho velona, nefà maty.” Ankehitriny, anarana inona no nampiasain’izy ireo taorian’ny nitsaharany nampiasa ny Anaran’i Jesosy? Ray, Zanaka, Fanahy Masina. Ary tsy misy ny zavatra tahaka an’izany. Izany dia maty—izany dia teolojia maty iray.

¹⁰² Teneno amiko, anarana iray ve ny Ray? Firy ny ray ato? Atsangano ny tånanareo. Iza aminareo no antsoina hoe Ray? Zanaka? Ary olombelona, izany—izany ilay izy. Izany dia tsy . . . Ny Anarany dia tsy Fanahy Masina, izany no maha-izy Azy; Izany *dia* ny Fanahy Masina. Ilay anarana . . . Tsy manana anarana iray ny Fanahy Masina, ny Fanahy Masina dia titra iray; Ray, Zanaka, ary Fanahy Masina.

¹⁰³ Noho izany dia hitanareo eo, izany dia ny maha-zanaka Mandrakizay tsy misy farany mihitsy. Tsy misy izany karazana maha-zanaka Mandrakizay izany. Ny zanaka iray dia teraka avy tamin’ny; tsy Mandrakizay mihitsy.

¹⁰⁴ Tsy misy ny zavatra tahaka an’izany, tahaka ny nolazaiko indray hariva, toy ny helo Mandrakizay. Ahoana no mba anananareo helo Mandrakizay? Efa nisy foana ny helo iray, arak’izany. Hoy ny Baiboly hoe, “Izany dianoforonina ho an’ny devoly sy ireo anjeliny.” Hisy foana ny helo iray; raha hisy anankiray foana, dia tsy maintsy nisy anankiray tany ampiandohana. Ary inona . . . Iza no nampiasa azy tany aoriana tany fony—fony *Izy El, Elah, Elohim*, “ilay Anankiray nisy tamin’ny alàlan’ny tenany,” rehefa tsy nisy na inona na inona hafa? Noho izany dia tsy maintsy efa nisy niaraka Taminy tany mihitsy ny helo. Hitanareo? “Ny helo dianoforonina ho an’ny devoly sy ireo anjeliny. Ary ny ratsy fanahy rehetra dia hatsipy ao anatin’izany.” Marina tokoa izany. Ho voasazy mandritry ny zato tapitrisa taona angamba izy ireo nohon’ny nataon’izy ireo. Fa ho avy ny fotoana iray izay hananan’izy ireo an’ilay fahafatesana faharoa. Tsy hisy na inona na inona ho tavela amin’izy ireo. Ny zavatra rehetra izay nanana fiandohana iray dia manana fiafarana iray. Noho izany rehefa mandray Fiainana Mandrakizay isika, dia mandray ampahany avy amin’io hazavana kosmika izay tany aoriana tany io talohan’ny hany nisian’ny molekiola iray. Ah-hah. Io Hazavan’Andriamanitra io no miditra ao am-pontsika izay manazava antsika mba hahitantsika an’i Jesosy. Hoy ny Baiboly hoe, “Tsy mahita ny zavatra rehetra isika, saingy mahita an’i Jesosy.”

¹⁰⁵ Ankehitriny, hoy Izy hoe, “Fantatro fa izany dia izay . . . Izaho no Izy izay manana an’ireo Fanahy fito izay mandefa mankany amin’ireo fiangonana fito. Fantattro ny asanao rehetra sy ny rehetra mikasika an’izany, saingy manana anarana iray ho velona ianao nefà maty.” Ankehitriny, tsarovy; taonan’iza ity? Martin Luther, ilay taona Loterana. Ankehitriny, voaheloka izy

ireo hatrany am-boalohany. Tsy nanomboka akory aza izy ireo, efa maty izy ireo teo am-piandohana. Tsy mila ny ho faty izy ireo, efa maty izy ireo teo am-panombohana. Hitanareo, izy ireo fotsiny dia “voaongotra.”

¹⁰⁶ Mariho ity ankehitriny. Ndao isika hamaky ny andininy manaraka ankehitriny:

Diniho! *Miambena, ka aoreno ireo zavatra izay sisa, izay saiky maty: satria tsy nisy hitako tanteraka ireo asanao eo anatrehan'Andriamanitra.*

¹⁰⁷ Ankehitriny, miresaka amin'i Luther izy ankehitriny. Manaiky isika rehetra fa ity—ity dia ny taona Loterana, ny fanavaozana izany. Ankehitriny dia inona no Nolazainy? “Ianao dia nitondra anarana sandoka iray ho ‘velona,’ nefä maty.” Inona no nataon’izy ireo? Nentin’izy ireo niverina avy hatrany tao amin’ny anaram-piangonana indray izany. Noho izany, “ny vilany dia tsy afaka miantso ny famanan-drano hoe ‘mainty,’ aza mamerimberina hoe, “ny Katolika!” Hitanareo, satria miverina ao anatin’izany mihitsy ianareo, mampiasa an’ireo fanekem-pinoany iray ihany sy ireo anarany. Ary, eny, nitondra katesizy maro sy ny zavatra hafa rehetra izay nananan’ny fiangonana Katolika i Luther, ka naka anarana iray ho an’ny tenany. Hitanareo, “Ianao dia manana anarana iray ho ‘velona,’ izay avy amin’io arivo taona maty eto io, nefä mbola mihazona an’io anarana io foana ianao.” “Manana anarana *iray* ianao,” tsaroanareo ve?

¹⁰⁸ Mba hananana antoka fa marina izany, ireo fiangonana hafa, dia voalaza hoe, “Nihazona Ny Anarako ianao.” “Nihazona Ny Anarako ianao.” Ao amin’ity taona ity izy ireo dia “nahavery an’Izany.” Ary tonga *eto* na voalaza hoe, “Ianao dia manana anarana hafa iray ho ‘velona,’ nefä maty.”

¹⁰⁹ Oh, ianareo Metodista, Batista, Presbyterana, Loterana, ary Pentekosta, mibebaha ka aoka hatao batisa amin’ny Anaran'i Jesosy Kristy ho an’ny famelàna ny fahotanareo. Hitanareo? Mivoaha avy ao amin’io fanekem-pinoana tranainy maty sy ny sisa izay an’ny fiangonana Katolika io izay ho levona ka ny zananivavy rehetra miaraka aminy.

¹¹⁰ Tsy misy olona afaka hilaza fa “Ray, Zanaka, ary Fanahy Masina,” ireo karazan’ny . . . Ary io zavatra io, ary izy ireo dia miantso an’ilay “Trinite Masina.” Trinite? Mila olona iray aho hahita na dia ny teny hoe *trinite* aza ao amin’ny Baiboly, ka ho tonga hiteny amiko mikasika an’izany, tadioavo fotsiny ny teny hoe *trinite*. Tsy ao akory aza izany. Tsy misy ny zavatra tahaka an’izany.

¹¹¹ Ankehitriny, ankehitriny:

. . . ary *saiky maty*: . . .

¹¹² “Mifikira amin’io anananao io, Luther no nanongotra anao. Mifikira amin’io, satria saiky maty izany. Ianao dia... Hanery anao hiverina ao anatin’izany mihitsy indray izy ireo. Mifikira amin’io, saiky maty izany.”

¹¹³ Ankehitriny:

...ary mbola *tsy hitako tanteraka ianao eo anatrehan’Andriamanitra.*

¹¹⁴ Tsy tsara tarehy ve izany? Oh, oadray! Tiako izany. “Tsy tanteraka.” Nahoana? Nohamarinina fotsiny izy ireo, Nitoky ny fanamarinana i Luther; tsy maintsy nohamasinina ianareo ary avy eo dia fenoina ny Fanahy Masina. Ary noho izany dia tsy izany tamin’ny tenany manokana izy ireo, natao tanteraka tamin’ny alàlan’ny Fanahy Masina tao anatin’izy ireo. Ilay izy dia tsy ilay—tsy ilay Kristiana no tanteraka, ilay izy dia ny Fanahy Masina tanteraka ao anatin’. Hitanareo? Izany no... Tahaka ny nolazaiko hoe, “Izany dia tsy ny tendrombohitra masina, izany dia ilay Andriamanitra Masina teo ambonin’ny tendrombohitra. Tsy ilay fiangonana masina, tsy ilay vahoaka masina, fa ilay izy dia ny Fanahy Masina ao anatin’ilay Fiangonana ary ao anatin’ny vahoaka.” Izany ilay ampahany *Masina*, hitanareo.

¹¹⁵ “Ary tsy Hitako tanteraka ireo asanao. Tsy tonga hatreo amin’ny fahaterahana ianao.” Satria hitantsika ankehitriny fa nanana ny fanamarinana mihitsy izy ireo *eto*, fanamarinana. Ary ity dia... Tsia, mamelà ahy. Ny fanamarinana dia *eto* mihitsy eo ambanin’i Luther; ary ny fanamasinana dia *eto*; ary *eto* ny Fanahy Masina. Hitanareo? Ankehitriny, izany ireo singa telo izay niasa tao amin’ireo taom-piangonana telo ireo, izany no ilaina mba hanaovana an’ilay fahaterahana feno. Nitoe-jaza fotsiny izy ireo tahaka ny tsimoka kely iray ao an-kibon’ny reny. Marina izany, ny Fanahy Masina tonga amin’ny fahaterahana.

¹¹⁶ Ankehitriny dia te-hanontany zavatra aminareo aho. Rehefa miseho ny fahaterahana ara-boajanahary iray, dia inona no zavatra voalohany mitranga? Rano. Ny zavatra manaraka? Rà. Marina ve izany? Ny zavatra manaraka? Fanahy. Marina izany.

¹¹⁷ Inona no nivoaka avy tao amin’ny vatan’i Jesosy rehefa maty Izy? Nolefonin’izy ireo ny Lanivohony, ka nivoaka ny rano sy ny Rà, “Ary eo an-Tànanao no Anolorako Ny Fanahiko.” Rano, Rà, Fanahy.

¹¹⁸ “Koa satria efa nohamarinina tamin’ny finoana,” Romana 5:1, “dia manana fihavanana amin’Andriamanitra isika amin’ny alàlan’i Jesosy Kristy Tompontsika,” fanamarinana. Fanamasinana, Hebreo 13:12 sy 13, “Jesosy dia niaritra teny ivelan’ny vavahady mba Ahafahany manamasina ny olona amin’Ny Ràny Manokana.” Lioka 24:49, “Fa mitoera ianareo ao an-tanànan’i Jerosalema mandra-panafiana anareo amin’ny hery avy any amin’ny Avo. Aorian’ny ahatongavan’ny Fanahy

Masina eo aminareo, *dia* ho vavolombeloko ianareo any Jerosalema, Jodia, Samaria . . .”

¹¹⁹ Tsy hoe rehefa lasa eveka ianareo, tsy hoe rehefa lasa diakona ianareo, tsy hoe rehefa lasa pasitera ianareo, tsy hoe rehefa lasa papa ianareo, “Fa aorian’ny ahatongavan’ny Fanahy Masina eo aminareo, dia hijoro vavolombelona ianareo.” Afaka mijoro vavolombelona ny amin’ny fiangonanareo sy ny amin’ny fanekem-pinoanareo fotsiny ihany ianareo, tahaka ny . . . raha diakona iray fotsiny ianareo, na raha pasitera iray fotsiny ianareo, na raha papa iray fotsiny ianareo, na raha ianareo dia . . . Manambara ny amin’ny fanekem-pinoana iray ianareo! Fa rehefa tonga eo aminareo ny Fanahy Masina, amin’izay fotoana izay dia manambara ny Aminy ianareo! Ary ireo asa izay Nataony, no ataonareo koa, satria Ny Ainy no ao anatinareo. Oh, oh! Oadray, oadray! Tiako izany. Eny, tomopoko. Oh, mahazo an’Izany betsaka aho . . . an’Izany eto ambony eto, mino aho, noho ny azonareo eo. Mahatsapa ho tsara mihitsy aho miaraka amin’Izany.

¹²⁰ “Ireo zavatra izay saiky maty, mifikira amin’izy ireo.” Ankehitriny dia milaza izy eto, ao amin’ny andininy faha-3 ankehitriny:

Koa tsarovy hoe ahoana no nandraisanao sy nandrenesanao, . . . (Tiako izany). . . ary tano mafy, ka mibebaha. Koa raha tsy hiambina ianao, dia ho tonga eo aminao tahaka ny mpangalatra aho, ka tsy ho fantatrao ny ora izay izaho . . . hihaviako aminao.

¹²¹ “Mihazôna mafy eo amin’ny fanamarinanao, miraiketa amin’izany.” Aza mamela an’ireo olona ireo hanendaka an’izany hiala aminao. “Izay efa noraisinao koa, renao.” Namaky ny Baiboly iray ihany izay vakiantsika izy ireo, hitanareo. Saingy tsy naka ny rehetra tamin’Izany fotsiny izy ireo, satria tsy voambara taminy Izany. Tsy ho an’ny taonan’izy ireo Izany. Izany no antony hisehoan’izy ireo ao amin’ny fitsanganana. Nandeha tao amin’ny Hazavana izay tsy maaintsy nandehanany izy ireo, noho izany dia hiseho izy ireo.

¹²² Ankehitriny, efa nandre vahoaka Pentekotista maro aho izay mitory ny batisa, nanao hoe, “Ireo Loterana ireo, sy ny sisa, dia tsy hiseho.” Oh, eny. Fantatrareo ilay tantara kely mikasika ny Dr. Hegre tany. Rehefa niteny taminy aho . . . Hoy izy hoe, “Inona moa izahay?” Nilaza aho . . . Fantatrareo, nanangana an’io seminera Loterana lehibe io izy ireo tany, Bethany, any Minneapolis. Dia hoy izy hoe, “Eny, inona no azonay Loterana?”

Hoy aho hoe, “Eny, hoteneniko aminao. Mino aho fa nahazo an’i Kristy ianareo.”

Dia hoy izy hoe, “Eny, izahay mila—mila ny Fanahy Masina izahay.” Hoy izy hoe, “Mihevitra ve ianao fa nahazo Azy izahay?”

Hoy aho hoe, “Amin’ny ampahany.” Dia hoy aho hoe, “Mino an’Izany ianareo.”

Hoy izy hoe, “Eny, inona no tianao lazaina?”

¹²³ Ankehitriny, manana ara an’arivony izy ireo any ka ireo mpianany . . . raha tsy afaka izy ireo—tsy afaka mandoa ny saram-pianarany, dia avelan’izy ireo hiasa ho an’ny saram-pianarany ka mamboly katsaka. Hoy aho hoe, “Eny . . .” Misy mihitsy any—latabatra goavana mihitsy. Nanome ahys ny iray tamin’ireo sakafy hariva smorgasbord izy ireo tany tao amin’io seminera goavana io. Ary ankehitriny, lehilahy mahafinaritra izy ireo; Dr. Hegre nipetraka *teto*, ary Rahalahy Jack Moore *teto*; satria napetrako teo akaiky teo izy sao raha hiteny teny goavana sasantsasany izay tsy haiko izy, dia hodomiko amin’ny ranjoko i Jack ka ho hitako izay nolazainy, hitanareo. Noho izany, nilaza aho . . .

¹²⁴ Nipetraka teo akaikiko izy, ka hoy izy hoe, “Eny, ny tianay hatao dia ny hahita zavatra iray eto.” Hoy izy, “Noana an’Andriamanitra izahay.” Ary hoy izy, “Namaky boky iray mikasika ny Pentekotista izahay, *Ireo Fanomezam-pahasooavana*.” Dia hoy izy, “Nandeha izahay . . . andiany iray taminay rahalahy no nandeha nankany California, nihaona tamin’ilay lehilahy izay nanoratra an’ilay boky izahay.” (Ary fantatro izy.) Hoy izy hoe, “Tianay ny hahita ny sasany amin’ireo fanomezam-pahasooavana eo am-piasana.” Hoy izy hoe, ‘Tsy manana ny iray amin’izy ireo aho,’ hoy izy, ‘nanoratra mikasika azy ireo fotsiny aho.’” Noho izany dia hoy izy hoe . . . Ary hoy izy, “Noho izany rehefa nandeha tany izahay ka nahita an’izany, dia noana izahay. Mila an’Andriamanitra izahay.”

¹²⁵ Dia hoy aho hoe, “Eny, indray mandeha dia nisy lehilahy nivoaka.” Fantatrareo, teo amin’ny taniny manokana tany, hitanareo. “Nivoaka ny lehilahy iray ka nihava sahy goavana be iray. Ary nongotany niala taminy ireo faka rehetra, sy ny zavatra rehetra, ary avy eo dia namboly katsaka izy. Isa-maraina dia nandeha teo am-baravarana izy ka njery mba hahita raha nanana katsaka iray izy. Ny zavatra voalohany fantatrareo, indray maraina, dia nipoitra ny ravim-bero kely anankiroa.” (Ny olona iray izay mba namboly katsaka . . . Aiza i George Wright sy izy ireo, Roy Slaughter sy izy ireo? Fantatrareo, ireo ravim-bero kely anankiroa mipoitra.) “Oh,’ hoy izy, ‘Deraina Andriamanitra ny amin’ny sahan-katsako.”

Hoy aho hoe, “Nanana sahan-katsaka iray ve izy?”

Hoy izy hoe, “Eny, amin’ny lafiny iray.”

¹²⁶ Hoy aho hoe, “Amin’ny ampahany, eny.” Hoy aho hoe, “Izany ianareo Loterana tao amin’ny fanavaozana voalohany, namoaka an’io ravim-bero kely io, hitanao.” “Eny,” hoy aho, “tsy ho ela dia hitombo io katsaka io.” Tsy niteny taminy aho mikasika ny

“nihintsana,” hitanareo, navelako handeha miaraka amin’ilay katsaka fotsiny izy, nitombo.

¹²⁷ Noho izany dia hoy aho hoe, “Nitombo ilay katsaka, ary afaka kelikely dia nanana salohy iray izy teo amboniny. Ary njery niondrika teo amin’ny ravina io salohy io ka nanao hoe, ‘Ha-ha-ha-ha-ha, tsy manana na inona na inona ianareo, ianareo Loterana ara-pomba mangatsiaka trana inay?’ Hitanareo? Hoy izy, ‘Izaho no... Izaho—izaho no mpampiteraka, ilay fotoana malazan’ny misionera.’ Nitsoka ny rivotra, ary niendaka tahaka an’izao ireo salohy kely ka nihintsana; Wesley izany, fanamasinana.” Hitanareo? Izany ilay taonan’ny misionera malaza indrindra izay hany nananantsika, dia ny fiangonana Wesleyana, nandritry ny andron’i Wesley, nihoatra an’ity taona ity mihitsy aza. Ny Taom-Piangonana Wesleyana, taonan’ny misionera iray izany, ary niely izany. Inona no nataony, izy—nanely an’Izany izy.

¹²⁸ Hitanareo, na dia ny natiora aza dia manambara an’ireo telo ireo, eo mihitsy. Ny natiora izy tenany, Andriamanitra no nanao azy tany amin’ny fiandohana mba ho tahaka an’izany izy. Tsy voatery banana ny Baiboly akory aza ianareo, afaka mijery ny natiora ianareo ka mahita an’izay misy anareo. Hitanareo?

¹²⁹ Ary avy eo... Ary afaka kelikely teo dia nihintsana izy teo. Ary inona no nivoaka? Niakatra ny salohin-katsaka iray, nanana voa izy tao anatin’ny; izany ilay vondrona Pentekotista. Ankehitriny, ny vondrona Pentekotista dia ilay karazana iray ihany an’ny vondrona iray *eto*. Manomboka *eto* dia nanana ravim-bero anankiroa an’ny katsaka izy, Luther; *eto* izy dia nanana an’ilay salohy, Wesley; ary *eto* dia nanana an’ilay voan-katsaka izy (Inona?) mitovy marina tokoa tahaka azy *teto*. Zavatra iray ihany!

¹³⁰ Eny ankehitriny, inona izany *teto*? Hoy ianareo hoe, “Eny, ankehitriny,” hoy ny Pentekotista hoe, “tsy misy ilàko anareo Metodista na ianareo Loterana.” Fa, sady izay koa, ilay tena aina izay tao anatin’ireo ravim-bero kely anankiroa ireo dia nanampy nanao an’ilay salohy. Ary ilay aina izay tao anatin’ilay salohy no nanao an’ilay katsaka. Noho izany, hitanareo, fandaharan’Andriamanitra izany rehetra izany. Nanana ny Fanahy Masina izy ireo, tamin’ny ampahany; toy izany koa i Wesley, teo ambanin’ny fanamasinana; fa amin’izao andro izao dia namerina ny fitenenana amin’ny fiteny tsy fantatra izany sy ny famerenana ny tany am-boalohany *eto*. Ilay Fanahy Masina iray ihany, hitanareo, ireo hany marina. Amena. Eny.

¹³¹ Eny àry, “Tano mafy izayefa renao, fandrao maty izany.” Ankehitriny ny andininy faha-4, mino aho fa izay ilay izy:

Ianao dia manana anarana vitsy na dia ao Sardisy aza izay tsy nandoto ny fitafiany; ary hiara-mandeha amiko mitafy lamba fotsy izy ireo: satria mendrika izy ireo.

¹³² “Ankehitriny, aza manao anaram-piangonana iray avy amin’Izany, tsy te-hanao an’izany izahay.” Tsia, izaho dia... Izaho—namaky an’ilay andininy tsy izy aho, sa tsy izany? Sa tsy namaky aho? Hia, hia, marina izany. Hia. Eny àry. Hia, “Ao amin’i Sardisy, tsy nandoto ny fitafiany.” Nisy vitsy tamin’izy ireo izay mbola tsy niankohoka tamin’io zavatra io, ka nihazona ny tenany ho mangarangarana sy madio; ilay lèlana tranaïny avy tany amin’ny Pentekosta lavitra tany, ilay feno ny Fanahy. Maro tamin’izy ireo tamin’izany, rehefa nanomboka nanao anaram-piangonana ny taonan’i Luther; inona no nataoni’izy ireo? Nanomboka avy hatrany indray araka ny nolazain’ny Baiboly hoe, “Mihetsika tahaka ny mamany.” Niverina avy hatrany indray, nanomboka anaram-piangonana iray. Fa vitsy tamin’izy ireo no nijanona nihataka mihitsy mba tsy hanaovan’izy ireo an’izany, nijanona nihataka mihitsy ho an’Andriamanitra. Nilaza, nilaza izy ireo—hoy Izy, “Eny, mety tsara, manana anarana vitsy ianao, ary mendrika ny handeha eo Anatrehako izy ireo, miakanjo fotsy. Aza manao anaram-piangonana iray. Aza mandray ny foto-pampianarana Nikolaita, ankehitriny. Aza manomboka ny anaram-piangonana indray, fa mijanòna afaka fotsiny ao amin’Andriamanitra. Avelao ny Fanahy Masina hitarika anao raha manohy ianao. Misy vitsy amin’izy ireo mbola tavela.”

¹³³ Ankehitriny ny andininy faha-5, mino aho:

Izay manan-tsofina, aoka izy hi-...

¹³⁴ Ndao jerentsika. Tsia.

Izay maharesy, dia hitafy lamba fotsy tahaka an’izany koa; ary izaho tsy hamono...ny anarany eo amin’ny bokin’ny fainana, fa hanaiky ny anarany eo anatrehan’ny Raiko aho, sy eo anatrehan’ireo anjely.

¹³⁵ Ankehitriny, “ireo anarana vitsy.” Tena vitsy, sisa nanamborana kely, no tavela izay tsy naka an’ilay...naka...no nanohitra ny foto-pampianarana Katolika. Eny àry.

¹³⁶ Ankehitriny dia tonga isika hiresaka ny amin’ny fanavaozana. Tiako ny...Navelako ny lasan’i Luther mba ahafahako mampiditra azy eto. Ankehitriny hoy ny andininয manaraka hoe:

Izay manan-tsofina, aoka izy hihaino izay lazain’ny Fanahy amin’ireo fiangonana.

¹³⁷ Andriamanitra, miezaka mampitandrina azy ireo eto mba hijanona any ivelan’io Nikolaisma io hoe, “Mialà lavitra avy eo! Tehirizo tsy hisy pentina avy amin’ny zavatra rehetra an’izao tontolo izao ny fitafianao!” Mijanòna afaka fotsiny ao Aminy, dia hitarika azy ireo sy hitari-dàlana azy ireo Izy. Ankehitriny, izany no fiandohana voalohany.

¹³⁸ Ankehitriny, tamin'ny alàlan'ny *fanavaozana* ny tiako lazaina dia “ireo afa-nandositra,” ireo izay afa-nandositra na dia tao amin’ilay fiangonan’i Sardisy aza. Azonareo ve izay tiako lazaina? Ireo izay mbola afa-nandositra an’io zavatra mahatsiravina io foana. Ankehitriny izany . . . Ankehitriny, dia halaintsika indray izany rahampitso hariva ka ho entintsika eto mihitsy izany ao amin’ny . . . ao amin’ilay taona Pentekotista, ka haneho aminareo fa izany marina tokoa ilay izy. Ankehitriny, misy ny sasany amin’ireo zavatra ireo, izay resahantsika eto: ny “Ahoana no nandosiran’izy ireo an’izany?” Ankehitriny, halaintsika izany, ao amin’ilay taona manaraka. Hitanareo, tsy maintsy alaintsika izany mba hanao an’ilay izy miaraka. Raha tsy manao ianareo, amin’izay fotoana izay ianareo—ianareo—ianareo—ho diso ianareo amin’ny fanomezana ny—ny olona . . . handentika an’izany ao amin’io taona manaraka io, hitanareo. Tsy maintsy mamela azy ireo hanana an’izany araky ny anomezan’ny Baiboly azy eto mihitsy ianareo, hitanareo. Eny àry.

¹³⁹ Ankehitriny, ireo afa-nandositra no hany Resahany. Izany dia ireto *eto* ireto, ity vondrona kely bitika eto ity izay nivelona tamin’ny alàlan’ny fanamarinana. Jereo ankehitriny! Nivoaka izy ireo, nahita ny Hazavana izy ireo, nanodina tsara i Luther . . . Taorian’ny fahafatesan’i Luther, tsy i Luther; tsy nanao rafi-pandaminana mihitsy i Luther; ilay izy dia io andiany taoriany io. Tsy nanao rafi-pandaminana mihitsy i Wesley; ilay izy dia io vondrona taoriany io. Tsy nanao rafi-pandaminana iray mihitsy ireo mpanorina ny Pentekosta fahiny; ilay izy dia ilay vondrona taorian’izy ireo. Izany ilay anankiray izay manao an’izany, hitanareo, ilay taranaka faharoa no manao an’izany. Tsy hanao rafi-pandaminana iray mihitsy ilay tena anjelin’ny Fahazavana! Ary ho hitanareo eo amin’io—eo amin’io taona Pentekotista io izay tonga amin’ny fiafaran’io rafi-pandaminana io, ihany koa; hitanareo, rehefa manambara an’izany amintsika ny Fanahy Masina.

¹⁴⁰ Ankehitriny, hoy Izy hoe, “Manana Hazavana kely bitika iray tavela ianao, kely bitika fotsiny, saiky maty Izany; mihena izany, fanamarinana fotsiny izany, afaka manilangilana anao amin’ny lafiny rehetra izy ireo. Tsy mbola manana Aina ianao, satria naka an’ilay anarana ratsy. Fa ianao dia—ianaо dia . . . farafahakeliny dia nongotana ianao. Hitanao, ianao dia . . . ianaо—nandositra an’ilay fiangonana Romana ianao. Nandositra an’io dogma rehetra io ianao, ary hatreo fara-fahakeliny no nahatongavanao.” Ankehitriny, mamaky an’ilay Baiboly iray ihany ianareo. Ankehitriny, saingy ilay Baiboly iray ihany izay mampianatra ny Fanahy Masina . . . Tsy nanameloka azy ireo mihitsy Izy ny amin’izay nananan’izy ireo. Hoy Izy, “Ankehitriny izany dia . . . mifikira amin’izany mandra-Pihaviko. Hitanao, manohiza mifikitra fotsiny.”

¹⁴¹ Ankehitriny, ilay taom-piangonana dia nanomboka teo amin'ny 1520, rehefa ilay fiangonana Romana, Katolika maneran-tany no nampafanafana ny raharaha. Izany dia naharitra hatramin'ny iraika amby telopolo Oktobra (Raha mandray naoty an'izany ianareo rehetra.) Ny iraika amby telopolo Oktobra, 1570 A.D., rehefa namantsika ny fehin-keviny faha-dimy amby sivifolo teo amin'ny varavaram-piangonana i Martin Luther tany Wittenberg, Alemania, ary nanomboka tamin'io fotoana io no nandeha ny Fanavaozana. Voarainareo ve ireo daty ireo? Mamelà ahy hamerina an'izany indray mba hanananareo antoka. Ny iraika amby telopolo Oktobra, 1570 A.D., rehefa namantsika ny fehin-keviny faha-dimy amby sivifolo teo amin'ny varavaram-piangonana i Martin Luther tany Wittenberg, W-i-t-e-n-b-u-r-g, Wittenberg, Alemania. Nanomboka tamin'io daty io no nipetraka ny fanavaozana, nanomboka nanidina ilay afo. Nanohitra an'io fiangonana Katolika nitsangana tany io izy, ka teny an-tanany tahaka an'izao, hoy izy hoe, "Ity ve no Vatana masin'i Kristy? Ity dia hostia iray sy divay kely!" Ary "hoam!" natsipiny teo amin'ny gorodona izany. Marina izany.

¹⁴² Nanohitra ny fiangonana Katolika izy, ary ny...izany no nanomboka...tonga ilay fanongotana kely tamin'izany. Eny àry, ilay...nandeha izany. Saingy ilay izy dia a—ady ho an'ny fahefana ara-politika kokoa raha tokony ho an'ilay Fiangonana marina, ho an'ny fitsipika Kristiana. Niady ho an'ny zò arapolitika iray fotsiny izy ireo hivoahana avy ao amin'ilay fiangonana ka hanao fiangonana iray hafa. Tsy nanavao mihitsy izy ireo, nivoaka avy tao amin'ilay fiangonana Katolika mba hamerina ny Fanahy Masina sy ny hery ao amin'ny fiangonana, satria nolavin'izy ireo Izany. Hah? Fivoriana arapolitika iray ilay izy. Teo no nifanarahan'izany tokoa tamin'ny hoe, "Manana anarana iray ho velona ianao, nefá maty." Amin'ny teny hafa, dia namoaka fotsiny an'ilay anaram-piangonana Protestanta izy, izay ihany. Niteraka zanakavavy iray avy tao amin'ny fiangonana iray izy. Avy tao amin'ny... Niteraka mpivarotena iray avy tamin'ilay mpijangajanga izy. Izany marina tokoa no nitranga. Niteraka Atalia avy tamin'i Jezebelia izy.

¹⁴³ Ankehitriny, ny olona rehetra izay mamaky ny Fanavaozana dia mahafantatra fa izany no izy, satria izy fotsiny...Ireo zava-masina tranainy vitsy sy didy izay...ary fombam-pivavahana, izy—nopotehiny fotsiny izy ireny, fa raha ny hoe namerina ny Fanahy Masina tao amin'ny fiangonana tahaka azy *eto*, dia tsy nataony izany. Tsia, tompoko. Ady ara-politika kokoa ilay izy raha tokony ady ara-panahy. Politika ilay izy raha tokony ho ny Fanahy Masina. Tsy mbola nuditra tao amin'ilay Fiangonana Izy. Oh, rahalahy, tsy mbola niverina Izy; Izy dia miverina *eto*, fa tsy *teto*.

¹⁴⁴ Ankehitriny, fivoriana ara-politika lehibe ilay izy, fa tsy ho an'ny Soratra Masina sy ny—sy ny Fanahy Masina. Fivoriana politika iray no nanesorany ny sasany tamin'ireo zava-masina tranainy an'ny lakroa, sy ny “*Arahaba ry Maria*,” ary io rehetra io. Saingy mbola nitondra katesizy iray foana izy. Izy dia mbola nitondra foana an’io . . . Inona no iantsoanareo azy? Ireo fotoana fanamasinana an’izay nisy tany rehefa mandeha izy ireo amin’ny marainan’ny Paska ka ilay pasitera dia mirary ho azy ireo ny “Tratry ny Krismasy,” fantatrareo. “Tsy mahita azy ireo intsony hatramin’ny fotoan’ny Krismasy,” hoy izy, fantatrareo. Izany . . . oh, manamafy—fotoan’ny fanamafisana, izany no ezahako lazaina. Mitondra azy ireo ka manamafy azy ireo, manome azy ireo ny komino voalohany ka manamafy azy ireo. Tsy misy izany zavatra hoe fanamafisana izany. Ny fanamafisana tokana izay voalaza ao amin’ny Baiboly, rehefa ao—ao amin’ny Baiboly, dia rehefa nanamarina Ny Teniny tamin’ny famantarana sy fahagagana nanaraka Andriamanitra. Izany no fanamafisana, fa tsy fanamafisana ny fikambanana amin’ny fiangonana Loterana iray, fa Andriamanitra manamarina Ny Teniny ao anatinareo. “Ary ny Tompo dia . . . niasa niaraka tamin’izy ireo,” Marka 16, “nanamarina ny Teniny tamin’ny famantarana nanaraka.” Izany no fanamarinan’ilay Fiangonana pentekotista. Izany no fanamar- . . . Manamarina ny Tenany hoe velona Andriamanitra, tahaka ny Andriamanitra iray miasa fahagagana ao amin’ilay Fiangonana, fitenenana amin’ny fiteny tsy fantatra, fandikana fiteny tsy fantatra, ary manao an’ireo zavatra iray ihany izay nataon’izy ireo tany amin’ny voalohany.

¹⁴⁵ Mandreraka anareo ve aho? [Mamaly ny fiangonana hoe, “Tsia.”—Mpand.] Eny àry. Ankehitriny, mariho, tsy namerina ny fifohazan’ny Fanahy Masina izy ireo; namerina taom-piangonana iray vaovao izy ireo. Namerina anankiray voaongotra izy ireo; anankiray afa-nandositra ny laharam-boninahitra Romana, mba hanao laharam-boninahitra Protestanta iray. Izany ihany no zavatra tokana nataon’izy ireo. Nitsambikina fotsiny avy tao amin’ny lapoaly nankao anaty afo, hitanareo. Izany—marina izany. Marina tokoa.

¹⁴⁶ Niteraka zanakavavy iray fotsiny i Jezebel. Ary ankehitriny dia aza mihevitra fa milaza an’izao fotsiny aho mba—mba hiseho ho manan-tsaina, milaza an’izao aho satria ny Baiboly no niteny an’izany! Ny Baiboly, ao amin’ny Apokalypsy 17, dia nanao hoe, “Izy no renin’ny mpijangajanga.” Hoy Jesosy eto hoe, “Tahaka an’i Jezebela mihitsy, dia ho toy izany izy.” Ary niteraka zanakavavy izy izay nandoto an’ilay—ilay firenena izay tsy voaloto. Ankehitriny, izany marina tokoa no nataon’ny Protestantisma tamin’ilay tena Fanahin’Andriamanitra, nandoto an’ilay zavatra izy ka nametraka azy indray tao amin’ny rafi-pandaminana iray hafa. Izay, raha sitrak’Andriamanitra, amin’ny Alahady maraina, dia tiako ny haneho aminareo fa—fa—

fa manao sary iray ho an'ny bibidia izy ireo, ary ilay bibidia dia i Roma. Ary nanao sary iray *mitovy* amin'izany izy ireo. Inona izany? Rafi-pandaminana iray! Oh, manantena aho fa milentika ao anatin'ny fon'ny olona izany.

¹⁴⁷ Ary manontany ianareo hoe nahoana aho no tena niady mafy tamin'ny rafi-pandaminana nandrity ny fiainako rehetra; tsy nahafantatra koa ny tenako. Fa Izany dia *Zavatra* ao anatiko izay miantsoantsosy; tsy nisy azoko natao amin'izany. Nanontany aho, nanontany isan'andro hoe, nahoana aho no nankahala foana an'ireo vehivavy tahaka an'izany? Hitanareo? Ny fiainako rehetra. Tsy ten-... ny tiako lazaina... tsy ireo tena vehivavy no tiako lazaina; ny tiako lazaina dia ireo izay *natao ho*, fantatrareo, niala tamin'izy ireo ny hozatry ny fitondrantena sy ny zavatra rehetra. Fantatrareo. Izany ilay karazany izay izaho... *Zavatra* iray ato anatiko.

¹⁴⁸ Fony aho zazalahy kely, bitika, antitra, tany, dia nahita an'ireo vehivavy ireo aho nandeha teo amin'ny lâlana tany, ary ny... mahafantatra fa nandeha niassa ny vadin'izy ireo, teo izy ireo niaraka tamin'ny zalahy iray, mamo; teo amin'ny sisin'ilay lâlana, ary nampandeha azy ireo nandroso sy niverina teo amin'ny lâlana izy ireo, hanala ny hamamoany betsaka mba hitondra azy ireo any an-trano, hahandro ny sakafô harivan'ny vadin'izy ireo. Nilaza aho fa tsy mendrika ny hotifirina amin'ny bala vaovao iray akory aza izy ireo. Marina izany. Nilaza aho fa ambanay noho ny biby izy ireo, nanao zavatra tahaka an'izany. Ary izaho... Fony aho fito ambin'ny folo, valo ambin'ny folo taona, dia nahita za-zazavavy iray nandeha teny an-dalàmbe aho, niampita teny amin'ilay ilany hafa aho, hoy aho hoe, "Io viperina maimbo io." Hitanareo? Ary ho lasa tena mpankahala iray aho, saingy rehefa nandray an'Andriamanitra tao am-poko aho, dia namela ahy hahafantatra Andriamanitra fa manana firavaka sasantsasany Izy any, manana tena ramatoa sasantsasany Izy. Tsy handoto ny tenany tahaka an'izany mihitsy izy ireo; isaorana Andriamanitra ny amin'izany.

¹⁴⁹ Rehefa tany Afrika aho, rehefa tany Suisse aho, ary rehefa tany Roma aho, dia nametrahana betsaka an'ity fanontaniana ity hoe, "Hey, hono ho'aho, Rahalahy Branham, tsy manana vehivavy maotina mihitsy ve ianareo rehetra any Amerika? Ny hira rehetra tonga eto, dia misy zavatra maloto mikasika ny vehivavinareo."

¹⁵⁰ Hoy aho hoe, "Ireo Amerikana izany. Fa isika dia manana Fanjakana hafa iray izay misy any, ny Fanjakan'Andriamanitra izany; ramatoa zato isan-jato izy ireo." Izany izy ireo!

¹⁵¹ Nilaza ny Baiboly, ao amin'ny—ao amin'ireo mpaminany, nanao hoe... Mino aho fa ny toko faha-5-n'ny Isaia ilay izy, tsy azoko antoka, ho ao amin'ny toko faha-5 na ny faha-6 ao izany; miresaka mikasika ny, "Sambatra ny zanakavavin'i

Ziona, izay ho afa-mandositra amin'ireo zavatra rehetra ireo amin'izany andro izany." Toy ny ahoana no handehanany eny an-dàlambe; hanana ny bàn-kirarony mihorona midina izy; hianjonanjona izy raha mandeha; miolanolana tahaka an'izao, ary ireo zavatra rehetra izay hataony. Ilay fomba izay ataon'izy ireo ankehitriny marina tokoa, tanteraka tokoa. Manao akanjo tahaka ny lehilahy, izay fahavetavetana amin'Andriamanitra.

¹⁵² Efa nahita fikambanana ara-pivavahana iray aho, vao tsy ela, niomana hanao ny . . . karazana fetifety kely izay ataon'izy ireo isan-kariva, ary ireo vehivavy rehetra ireo dia nandeha tao anatin'ny kilaotin- . . . Na—na inona—na inona no iantsoanareo an'ireny zavatra ireny? Tsy sorta, fa karazan-javatra hafa. Hia, fanosehana fivoizana izy ireo. Na ireny zavatra any ireny. Ny rehetra nanao . . . Mila fivoizana atosika iray izy ireo, eny àry; rahalahy, izany dia hazo fisaka iray saiky tahaka an'izao ny velerany. Marina izany. Ny loha avy amin'ny . . . *Mpivoy*, izany hoe "eo amin'ny tongotrareo," ary izany marina tokoa no ilain'izy ireo. Marina izany.

¹⁵³ Fa, oh, hoy ianareo hoe, "Eny, ankehitriny, heveriko fa maotina kokoa ho an'ny vehivavy ny manao an'izany toy izay manao zipo iray."

¹⁵⁴ Hoy Andriamanitra hoe, "Fahavetavetana eo Imasonry ny vehivavy iray manao fitafiana . . ." Ary rehefa manapaka ny volony tahaka ny lehilahy ny vehivavy iray . . . Ilain'Andriamanitra ny vehivavy iray hitovy amin'ny vehivavy iray, hiakanjo tahaka ny vehivavy iray, hihetsika tahaka ny vehivavy iray.

¹⁵⁵ Ary tsy mila lehilahy iray miaraka amin'ny volo mivongovongo goavana be mihantona tahaka an'izao Izy, ary avy eo, tahaka ny ganagana iray mipetraka eo ambonin'ny lohany aoriana tahaka an'izao. Mila azy hitovy amin'ny lehilahy iray Izy. Eny, tompoko. Oadray, miakanjo tena sarimbavy mihitsy izy ireo hany ka zara raha mahafantatra hoe an'ny toe-batana inona izy ireo. Izany dia—mampalahelo izany, ireo beatniks sy ny sisa izay ananantsika amin'izao andro izao. Tsy mahagaga raha miaina ao amin'ny andro farany isika, tsy misy na inona na inona tavela eto amin'ity izao tontolo izao ity afa-tsy Andriamanitra handraraka ny Fahatezerany eo amboniny ka handoro azy. Izay ihany. Tsy afaka hanao na inona na inona hafa ny Andriamanitra Masina sy marina iray.

¹⁵⁶ Nanifikifika ny Ràn'i Jesosy Kristy izy ireo! Nanao dogma ny tenany izy ireo! Niditra tao amin'ny rafi-pandaminana iray izy ireo! Ary ny antitra . . . ray masina antitra iray miaraka amin'ny . . . bakalorea tranainy miaraka amin'ny vozon'akanjony mivadika, no tonga ka miteny amin'izy ireo hoe, "Ry zanako voatahy." Tsy misy dikany izany tahaka ny kisoavavy iray milaza an'izany.

¹⁵⁷ Miteny aminareo aho, ny ilaintsika izao hariva izao dia ny fiverenana amin'ny Baiboly sy ny Fanahy Masina, rahalahy, ary ny herin'i Kristy nitsangana tonga ao amin'ny Fiangonana manatanteraka an'ireo famantarana sy fahagagana ary zavamahagaga. Amena! Izany no Filazantsara. Eny.

¹⁵⁸ Namokatra . . . noho izany . . . Eny, marina izany, namokatra izany. Ny—ny—ny fifoazana dia nanao zavatra tena tsara tarehy tany, io fifoazana io. Saingy tsy nitondra ny Fanahy Masina izy. Tsy namokatra an'izany izy ireo talohan'ity taompianon'i Laodikia ity, ao amin'ilay taona Pentekotista. Fa tena nanao zavatra anankiray izany. Ity fifoazana ity dia nanao zavatra sasantsasany izay Nolazainy hoe, "Aza avela ho faty izany ankehitriny, aoreno ka manohiza manampy amin'izany." Hitanareo?

¹⁵⁹ Nitondra Baiboly iray malalaka ho an'ny olona indray izany. Nitondra Baiboly iray malalaka ny taona Loterana. Nanao ny fanaovana printiny izy ireo ary nanomboka nanolotra ny Baiboly ho an'izao tontolo izao. Andriamanitra anie hitahy an'ireo Loterana ny amin'izany! Eny, tompoko. Namerina nametraka ny Baiboly teo an-tan'an'ny laïka indray izy ireo; izay ho an'ireo pretra irery ihany. Tsy nahazo njery an'Izany mihitsy akory aza; satria ilay izy dia izay nolazain'ilay papa, ary izy no andriamanitra; noho izany na inona na inona nolazainy, dia izay no izy.

¹⁶⁰ Noho izany ankehitriny, ilay fifoazana Loterana, ny nilain'izy ireo dia, ny "manorina." Ankehitriny dia manana ny Baiboly eny an-tan'anareo ianareo, vakio Izy ankehitriny! Inoy Izy! Aza apetraka eo ambonin'ny talantalana Izy, manao hoe, "Eny, manana Baiboly iray izahay." Tsy hanao soa anareo izany eo. Misy Loterana marobe ao amin'ny Pentekosta amin'izao andro izao, mametraka ny Baiboly ka mandray an'izay lazain'ny olon-kafa mikasika Azy. Rahalahy, vakio ny Teny! "Zahao ny Soratra, satria izy ireo no hany manambara Ahy," hoy Jesosy. "Ao amin'izy ireo no heverinareo fa anananareo Fiainana Mandrakizay." Izany no zavatra hatao: vakio ny Teny!

¹⁶¹ Ankehitriny, nilaza fotsiny Izy mba, "Hifikitra amin'Izany, ny . . . aza—aza mamela an'izany ho votsotra." Ary ny zavatra iray hafa izay Tiany hifikiran'izy ireo, nanana hery kely tavela izy ireo tao aminy, dia . . . Ilay fifoazana Loterana, ny zavatra faharoa nataony, dia nitondra ny foto-pampianaran'ny fanamarinana ho amin'ny hazavana izany. Tsy mandray ny fanamarinana ny Katolika; ny fiangonana Katolika izany.

¹⁶² Tahaka an'io pretra io, tsy maintsy najanon'izy ireo izy tamin'ny fampielezam-peo teto fotoana vitsy lasa izay. Hoy izy hoe, "Tsy misy famonjena hafa na aiza na aiza any an-kafa afa-tsyo ao amin'ny fiangonana Katolika." Ny famonjena dia ao amin'i Kristy; tsy ao amin'ny fiangonana Katolika, tsy

ao amin'ny fiangonana Protestanta. Ao amin'i Kristy izany, ny famonjena. Fa ny Katolika dia mino... Tsy ahoan'izy ireo izay lazain'ny Baiboly; ilay izy dia izay lazain'ny fiangonana. Hitanareo? Tsy afaka miresaka amin'izy ireo ianareo, satria tsy misy fomba—tsy nisy fomba hiresahana amin'izy ireo. Tsy miraharaha izy ireo. Izy ireo dia manana... Hiresaka aminareo mikasika ny katesiziny izy ireo, ny zavatra tahaka an'izany; fa raha tonga eo amin'ny Baiboly ianareo, izy ireo—handà an'Izany fotsiny izy ireo, "Ilay izy dia izay lazain'ny fiangonana."

¹⁶³ Fa Jesosy dia nilaza, ao amin'io zavatra io mihitsy, Jesosy Izy tenany no nilaza hoe, "Raha misy olona hanaisotra zavatra iray na hanampy zavatra iray amin'Izany, dia hanaisotra ny anjarany avy ao amin'ny Bokin'ny Fiainana Izy." Hoy Jesosy hoe, "Aoka ny tenin'olona rehetra ho lainga, fa ny Ahy ho ny Fahamarinana. Ny lanitra sy ny tany ho levona, fa Ny Teniko tsy ho levona mihitsy." Marina ve izany? Oh, io Izany, rahalahy.

¹⁶⁴ Mpino iray ny Tenin'Andriamanitra aho! Marina izany. Ary tsy io Teny izay tenenin'Andriamanitra eo io fotsiny ihany, noho izany dia nangataka an'ilay Ray any An-danitra aho mba hanome ahy ny Fanahy Masina mba *hanamarina* an'io Teny io, mba hanao an'i Kristy ho velona ato anatiko. Izany no ahafantarako fa manana Fiainana Mandrakizay aho, tsy hoe satria mendrika an'Izany aho, satria ny Fahasoavany no nanome ahy an'Izany. Izany ilay vatomampy. "Eo ambonin'ity vatomampy ity no Hanorenako Ny Fianganako," hoy Izy.

¹⁶⁵ Eny àry, fanamarinana. Eny àry. Ilay zavatra amin'izany dia, rehefa avy namokatra zavatra izay tsy tokony navelan'izy ireo ho faty izy ireo, izany dia, nanana ny Baiboly teny an-tànany indray izy ireo. Ireo Loterana no nanao an'izany. Ary ny zavatra iray hafa, izy ireo dia nanana ny foto-pampianaran'ny "fanamarinana amin'ny finoana." Izany no nampianaran'i Luther, ny tsirairay avy dia mahafantatra fa izany no foto-pampianaran'y. Fanamari-... Tsy afaka mahita ve ianareo hoe tanteraka toy ny ahoana izany? Avy eo dia tonga i Wesley niaraka tamin'ny fanamasinana, avy eo dia tonga ny Pentekotista miaraka amin'ny batisan'ny Fanahy Masina. Tena tanteraka tokoa. Ankehitriny aho...

¹⁶⁶ "Manana zavatra vitsy ianao, mifikira amin'izy ireo ankehitriny, fa—fa aza avela ho faty izy ireo. Raha tsy mifikitra amin'izany ianao, dia ho avy faingana toy ny mpangalatra Aho ka hiverina avy hatrany ao amin'ny anaram-piangonana indray ianao." Ary izany no nataon'izy ireo, marina tokoa, niverina. "Miverina avy hatrany ao amin'ny Nikolaita indray ianao, satria handeha hiverina avy hatrany ao amin'ny anaram-piangonana iray. Mifikira! Manohiza mamaky an'io Baiboly io, ka hazony ny fanamarinana, ary manohiza mandroso." Fa misy sisa nanamborana kely tavela eo. Sisa nanamborana kely.

¹⁶⁷ Taty aoriana, dia tonga ny voalohany, Luther; ary avy eo dia tonga i Zwingli; ary nitohy nidina, Calvin; ary nitohy, sy ny sisa, nitohy hatrany amin'i Wesley. Fa nisy sisa nanamborana kely nivoaka avy tao izay nampianatra ny fanamasinana. Ary avy tao amin'ny fanamasinana dia tonga ny sisa nanamborana kely iray nanohy hatrany amin'ny Fanahy Masina. Hitanareo, io sisa nanamborana kely io, hatrany amin'ny farany, dia nihazona an'Izany—an'Izany ho velona. Eny àry.

¹⁶⁸ Fa, fahatelo, dia nitondra endrika foto-pampianarana mpanompo sampy maro be niaraka taminy izy ireo, niaraka tamin'izany, toy ny anaram-piangonana, batisa sandoka. Ankehitriny, nivoaka namafy sy ny sisa tahaka an'izany izy ireo, ary Ray, Zanaka, ary Fanahy Masina. Nitondra katesizy izy ireo. Nanana marina tokoa...nety tsara tamin'izy ireo ilay anarana...niaraka tamin'ny...izay nolazain'i Jesosy eto hoe, "Manana anarana iray ho velona ianao, nefá maty." Marina izany. Eny àry.

¹⁶⁹ Fahefatra, marina fa io fanavaozana io dia nanala maro tamin'ireo zava-masiny voalamina ary—ary fombam-pivavahana sy ny sisa, saingy tsy nahomby izany tao amin'ilay fiangonana sy ny famerenana mba hitondra ny fanavaozana, tsy nahavita namerina ny fampianaran'ny Filazantsara feno niaraka tamin'ny famantarana manaraka izany. Tsy nahazo an'izany mihitsy ny fiangonana Loterana. Tsy nahazo an'izany mihitsy izy ireo; ary tsy nahazo an'izany mihitsy izy ireo tao amin'ny taona Wesleyana. Teo amin'ny faran'ity taonan'i Laodikia ity ihany izy ireo no nahazo an'izany.

¹⁷⁰ Ankehitriny, rehefa tonga eo amin'izany isika, dia hiverina avy hatrany ao amin'ny Soratra ka haneho aminareo marina tokoa hoe ahoana no nampantanenana an'izany azy ireo. Izy ireo tsy nahazo ny...tsy namerina ny fifohazan'ny Fanahy Masina.

¹⁷¹ Niala tamin'ireo sampy izy ireo; ary niala tamin'ireo sampy izy ireo, marina izany. Nesorin'izy ireo niala tao amin'ny fiangonana ireo sampy: Maria, sy Josefa, sy—sy Petera, sy Paoly, ary izy rehetra ireo. Niala tamin'ireo sampy izy ireo, saingy tsy niverina nankany amin'i Kristy nitsangana. Nanala azy ireo tamin'ireo sampy i Luther, saingy nampiditra betsaka toy ny politika na—na anaram-piangonana iray na rafi-pandaminana, mba hanao rafi-pandaminana hafa iray fotsiny ho an'ny tenany (sary iray tahaka an'ilay anankiray voalohany) ary hiezaka ny hohoatra an'izany tamin'ny alàlan'ny anaram-piangonana.

¹⁷² Ary mbola miady foana izy ireo ankehitriny. Ny Metodista dia mbola mila foana ny...ireo Batista rehetra ho lasa Metodista. Ary ireo Loterana rehetra dia mila ny Batista sy ny Metodista rehetra ho lasa Loterana. Ny Pentekotista dia mila ny Batista rehetra, Loterana, ary ny zavatra hafa rehetra, ho lasa Pentekotista. Hitanareo, manohy manampy

ao amin'ny anaram-piagonanareo fotsiny ianareo. Fa tsy izany no fandaharan'Andriamanitra tany amin'ny voalohany. Ny fandaharan'Andriamanitra ho an'ny famerenana dia ny hamerina an'izay nisy tany amin'ny fiandohana.

¹⁷³ Jereo! Atsangano izany! Raha milatsaka amin'ny gorodona ity boky ity, ankehitriny ny mandray boky iray hafa ka mametrakazy eo amin'ny toerana dia tsy izany no famerenana, fananganana. Tsy maintsy manangana an'ilay anankiray *ihany* ianareo. Amena. Noho izany raha maty tao amin'ny Taona Maizina ny fiagonana ka lasa mpanompo sampy tanteraka mihitsy *eto*, amin'izay fotoana izay ny famerenana, ny... Fanavaozana iray izany, manavao; fa ny *navaozina*, sy *nateraka indray*, dia zavatra anankiroa samihafa. Hitanareo? Namerina fanavaozana izy ireo, nanavao, niala lavitra tamin'ireo sampiny betsaka sy ny sisa, saingy tsy namerina ny Fanahy Masina nankao amin'ny fiagonana mihitsy izy ireo. Oh, isaorana anie ny Anaran'ny Tompo! Rahalahy, ranabavy, tsy afaka mahita an'izany ve ianareo? Tsy namerina ny Fanahy Masina mihitsy izy ireo, satria ilay anankiray izay mitondra marina tokoa an'ilay Hazavan'ny Filazantsara marina... Anaovy ny kasiketinareo ankehitriny. Ilay anankiray izay mitondra an'ilay Hazavan'ny Filazantsara marina dia ilay anjelin'ny fiagonana *eto*. Ankehitriny, ho hitantsika izany amin'ny Alahady.

¹⁷⁴ Ankehitriny, hanana hazavana izy ireo eto amin'ny tampon'ny hazavana, ary hazavana Kristiana, saingy hiverina avy hatrany ao anatin'io rafi-pandaminana io ny tsirairay avy amin'izy ireo. Fa ho tonga ny anankiray izay hitsangana hanohitra azy. Eny, tompoko. Ary hamoaka sisa nanamborana iray avy ao izy azo antoka tahaka ny itsanganako eto amin'ity polipitra ity. Marina izany. Ary hiverina avy hatrany hankany amin'ny fiandohana izy. Ary haka an'ireo Soratra avy ao amin'ny Testamenta Taloha sy ny Testamenta Vaovao aho ka hanaporofo aminareo fa hanao an'izany izy, ilay anjelin'ny fiagonan'i Laodikia, marina izany, hiverina avy hatrany mankany amin'ny tany am-boalohany ary hanangana an'io zavatra eto io *indray*. Ary ny fananganana dia ho tonga amin'ny andron'ity *eto*. Marina izany.

¹⁷⁵ Fa nanetsika an'ilay fiagonana hivoaka i Luther, ilay anankiray afa-nandositra. Afa-nandositra *anankiray*, dingana anankiray, fanamasi-...fanamarinana. Ilay anankiray afa-nandositra, nanana tongotra anankiray tany ivelan'ny fanompoan-tsampy izy. Mety tsara izany. Amin'ny fotoana manaraka, dia mila tongotra anankiroa mivoaka izany. Izay *ihany*.

¹⁷⁶ Mitovy fotsiny... Efa voamarikareo ve ato amin'ny Baiboly fa nisy—nisy rano nivoaka avy tao ambadik'ilay Tempoly? Ary nilaza izy fa nahita rano niakatra hatreny amin'ny lohaliny; avy eo ny manaraka, dia rano niakatra hatreny amin'ny valahany;

ary tamin'ny fotoana manaraka, dia nihoatra ny lohany izany. Fa rehefa nihoatra ny lohany izy, dia tsy maintsy tonga teo amin'ny toerana iray izay nahafahany nilomano. Hitanareo, tsy maintsy nilomano izy.

¹⁷⁷ Noho izany dia ho tonga eo amin'ny toerana iray isika ankehitriny na hilomano na hilentika. Izay ihany. Handentika anareo izany ary hitondra anareo tanteraka, na hampiditra anareo, ny anankiray. Noho izany, ilay izy dia milomano na milentika! Haleloia! Oh, tena faly aho ny amin'ny Fanahy Masina! Ary ianareo?

Tena faly aho fa afaka milaza hoe isan'izy ireo aho.
 Isan'izy ireo aho, . . . (*Izy ireo iza? Tsy ity, itsy, na itsy, na itsy.*)
 . . . tena faly fa afaka milaza hoe isan'izy ireo aho,
 Haleloia;
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho.

Tsy toa tsara ve izany? Henoy:

Niangona tao amin'ny efitra ambony izy ireo,
 Ny rehetra nivavaka tamin'ny Anarany,
 Vita batisan'ny Fanahy Masina izy ireo,
 Sy ny hery satria tonga ny asa;
 Ankehitriny izay Nataony ho azy ireo tamin'io
 andro io
 Dia izany ihany no Hataony ho anao,
 Tena faly aho fa afaka milaza hoe isan'izy ireo aho.

 Oh, isan'izy ireo, isan'izy ireo aho,
 Tena faly aho fa afaka milaza hoe isan'izy ireo aho,
 Haleloia;
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho.

¹⁷⁸ Mandeha mankany amin'ny seminera ve izy ireo? Tsia. Ny sasany amin'izy ireo aza dia tsy mahay manoratra ny anarany manokana akory. Marina izany. Tsy nahay i Petera. Nilaza ny Baiboly fa lehilahy iray tsy mahay sy tsy nianatra izy, izy sy i Jaona. Saingy tsy maintsy nihaino tsara azy ireo izy ireo, satria fantany fa efa niaraka tamin'i Jesosy izy ireo.

Na dia mety tsy nianatra aza ireo olona ireo mba
 ho (Nampianarany.),
 Na nihambo amin'ny lazan'izao tontolo izao ("Oh,
 isaorana Andriamanitra, izaho manana betsaka
 an'izao-sy-izao."),
 Dia nahazo ny Pentekostany izy rehetra,
 Nanao batisa tamin'ny Anaran'i Jesosy;

Ary miteny izy ireo ankehitriny, hatraiza hatraiza
hoe,
Mbola tsy miova ny Heriny,
Tena faly aho fa afaka milaza hoe isan'izy ireo aho.

Oh, isan'izy ireo, isan'izy ireo,
Tena faly aho fa afaka milaza hoe isan'izy ireo aho;
Isan'izy ireo, isan'izy ireo,
Tena faly aho fa afaka milaza hoe isan'izy ireo aho.

¹⁷⁹ Tsy faly ve ianareo ny amin'izany? Tena faly ny ho isan'izy ireo. Aleoko ho isan'izy ireo toy izay ny zavatra rehetra izay fantatro. Oh, aleoko ho isan'izy ireo toy izay ho Filohan'i Etazonia na ho mpanjaka manerana an'izao tontolo izao. Izaho dia... Raha nandeha teto ny Tompo Jesosy, nanao hoe, "Hamerina anao mankany amin'ny roapolo taona Aho ka hanao anao ho mpanara-maso iray, mpanjaka iray an'izao tontolo rehetra izao, ary hanome anao iray alina taona ho-ho an'ny fiainana eto ambonin'ity tany ity, mba hijanona ho roapolo taona; tsy hanana andron'aretina iray mihitsy, aretim-po, ary ho faly sy ny zavatra rehetra, ary ho mpanjakan'ny tany manontolo, ho velona iray alina taona; sa aleonao ho isan'izy ireo ka tsy maintsy hanohy hitolona tahaka ny ataonao?"

¹⁸⁰ Dia hilaza aho hoe, "Tena faly aho fa afaka milaza hoe isan'izy ireo aho!" Aorian'ny iray alina taona, dia ho inona amin'izany? Fa Ity no Mandrakizay. Ahoana no Nahatongavany, rahalahy? Oh, tonga tamin'ny alàlan'ny Rà Izzy. Marina izany. Tonga avy tany lavitra Izzy, ary tonga tamin'ny alàlan'Andriamanitra izay tonga nofo Izzy ka nonina teo anivontsika:

Tao anaty fihinanam-bilona efa ela izay, fantattro
fa izany marina tokoa ilay izy,
No teraka ny Zazakely iray mba hamonjy ny olona
amin'ny fahotany.
Nahita Azy i Jaona teo amin'ilay morona, ilay
Zanak'ondry mandrakizay,
Oh, Kristy, ilay Voahombo teo Kalvary.

Oh, tiako io Lehilahy avy any Galilia io, avy any
Galilia,
Satria tena nanao betsaka ho ahy mihitsy Izzy.
Namela ny fahotako rehetra Izzy, nametraka ny
Fanahy Masina tao anaty;
Oh, tiako, tiako io Lehilahy avy any Galilia io.

Ilay vehivavy teo amin'ny fantsakana, Noteneniny
ny fahotany rehetra, (Izy no tsy miova omaly,
anio, ary mandrakizay.)
Ary hoe nanana vady dimy izy tamin'io fotoana io.

Navela taminy ny fahotany rehetra, ary tonga tao
 anaty ny fiadanana lalina iray;
 Niantsoantso izy hoe, "Avia hijery an'ity Lehilahy
 avy any Galilia ity!"

Oh, tiako io Lehilahy avy any Galilia io, avy any
 Galilia,

Satria tena nanao betsaka ho ahy mihitsy Izzy.
 Namela ny fahotako rehetra Izzy, nametraka ny
 Fanahy Masina tao anaty;

Oh, tiako, tiako io Lehilahy avy any Galilia io.

Nandeha tao an-tempoly mba hivavaka ny
 mpamory hetra iray indray andro,
 Niantsoantso izy hoe, "O Tompo, mamindrà fo
 amiko!"

Namela ny fahotana rehetra Izzy, ary tonga tao
 anaty ny fiadanana lalina iray;

Hoy izy hoe, "Avia hijery an'ity Lehilahy avy any
 Galilia ity."

Tiako izany. Ary ianareo?

Lasa namindra ny malemy, lasa niresaka ny
 moana,

Voateny tamin'ny fitiavana teo ambonin'ny
 ranomasina io hery io;

Ary lasa nahita ny jamba, fantatro fa izany dia
 afaka fotsiny ihany ho

Ny famindrampon'io Lehilahy avy any Galilia io.

Hirao miaraka amiko izany:

Oh, tiako io Lehilahy avy any Galilia io, avy any
 Galilia,

Satria tena nanao betsaka ho ahy mihitsy Izzy.

Namela ny fahotako rehetra Izzy, nametraka ny
 Fanahy Masina ao anaty;

Oh, tiako, tiako io Lehilahy avy any Galilia io.

¹⁸¹ Tsy tianareo ve Izzy? Oh, oadray! Ity Filazantsara tsara, an'ny Fanahy Masina ity, oh, toy ny ahoana no itiavako Azy. Tiako amin'ny foko rehetra Izzy. Ary tena faly aho izao hariva izao fa voaisa miaraka amin'izy ireo aho, ary isika dia miaraka amin'ny maha-mpirahalahy sy mpirahavavy. Batista, Metodista, Pres... Katolika, Presbyterana, inona koa, Andriamanitra no namoaka antsika avy tao amin'ny diam-piainana rehetra ka nitondra antsika hanketo amin'ity fiombonana lehibe an'ny Fanahy Masina ity. Tsy mikambana amin'ny anaram-piangonana anankiray, miankina amin'izy ireo izay ataony, fa isika dia ao amin'ny Fanjakana mahagaga iray. Vita batisa tao amin'ny vatana mahagaga an'i Jesosy Kristy isika, tamin'ny alàlan'ny Fanahy Masina. Iza izany? Metodista, Batista, Presbyterana, ary na iza na iza maniry, aoka izy ho avy.

¹⁸² Hoy Jesosy hoe, “Izay rehetra nomen’ny Ray Ahy no hanatona Ahy, ary tsy hisy ho very ny iray amin’izy ireo, fa Izaho hanangana azy ireo indray amin’ny andro farany.” Oh, oadray! Nihira hira tranainy iray isika fahiny teto amin’ny alitara teto; tsy fantattro na afaka hihira azy isika na tsia, “Efitra, efitra, eny, misy efitra, misy efitra ho ahy eo amin’ilay loharano.” Tianareo ve ireo hira tranainy tahaka an’izany? Olona iray hanome antsika naotoy iray, olona izay mahafantatra hoe ahoana no hanombohana azy. Aiza ny mpitendry piano antsika? Ato ve izy? Na ny Rahalahy Teddy na ny iray amin’izy ireo eto? Izy ireo? Oh, oadray, izaho—tsy mahita azy na aiza na aiza aho.

Efitra, efitra, eny, misy efitra,
Misy efitra ho anao eo amin’ilay loharano;
Efitra, efitra, eny, misy efitra,
Misy efitra ho anao eo amin’ilay loharano.

¹⁸³ Tianareo ve ireo hira tranainy ireo? Fa izaho dia tia an’izany koa:

Teo amin’ilay hazo fijaliana izay nahafatesan’ny Mpamponjiko,
Teo no niantsoantsoako ho fanadiovana ny fahotana;
Oh, teo ny foko no nopetahana an’ilay rà;
Voninahitra ho an’ny Anarany!

Voninahitra ho an’ny Anarany! Ny Anarany sarobidy!
Oh, voninahitra ho... (Ndao isika hanakimpy ny masontsika ankehitriny ka hihira an’izany.)
Oh, teo ny foko no nopetahana an’ilay rà;
Voninahitra ho an’ny Anarany!

Voavonjy tamim-pahagagana tokoa tamin’ny ota aho,
Jesosy no mitoetra ato anaty amim-pahamoram-panahy tokoa,
Teo amin’ilay hazo fijaliana teo no Nandraisany ahy;
Voninahitra ho an’ny Anarany!

Voninahitra ho an’ny Anarany! Io Anarana sarobidy io!
Voninahitra ho an’ny Anarany! Anarana sarobidy!
Teo ny foko no nopetahana an’ilay rà;
Voninahitra ho an’ny Anarany!

¹⁸⁴ Ankehitriny raha mbola mihira an’ity andininy ity isika, dia raiso ny tangan’ny olona iray eo anoloanareo, aorianareo, eo anilanareo.

Manatôna, an'io loharano tena manan-karena sy
mamy io;

Atsipazo eo an-tongotr'ilay Mpamony ny
fanahinao mahantra;

Oh, milenteha ao androany, ary aoka hiova
tanteraka;

Voninahitra ho an'ny Anarany!

Voninahitra ho an'ny Anarany! Io anarana
sarobidy io!

Voninahitra ho an'ny Anarany sarobidy!

Teo ny foko no nopenahana an'ilay râ;

Voninahitra ho an'ny Anarany!

Oh, tiako izany. Ary ianareo?

Voninahitra ho an'ny Anarany! Anarana sarobidy!

Voninahitra ho an'ny Anarany!

Teo ny foko no nopenahana an'ilay râ;

Voninahitra ho an'ny Anarany!

¹⁸⁵ Oh, oadray! Tena sambatra aho ny amin'izany. Ary ianareo?
Tena faly aho fa afaka manatona an'io Loharano tena manan-
karena sy mamy io, manipy ny fanahiko mahantra eo an-
tongotr'ilay Mpamony.

¹⁸⁶ Tsaroako indray andro, fony zazalahy kely iray, teo amin'ny
valo ambin'ny folo taona teo, nandositra niala tamin'ny Tompo.
Nandeha nankany Andrefana aho, izaho nila... Ny raiko dia
mpitaingin-tsoavalny iray, ary te-handeha aho ka hamolaka
an'ireo soavalny. Nisy zavatra noana fotsiny tao am-poko. Oh,
teneniko aminareo!

¹⁸⁷ Nandeha nankany amin'ilay mpitory teny Batista aho, hoy
izy hoe, "Mitsangàna ka manaovala fotsiny hoe, 'Jesosy no
Zanak'Andriamanitra,' dia hametraka ny anaranaeo eo amin'ny
boky izahay." Tsy nahafa-po ahy izany.

¹⁸⁸ Na taiza na taiza nalehako dia nisy olona... Ny Adventista
an'ny andro-Fahafito, nandeha njery azy aho, lehilahy iray
mahafinaritra, Rahalahy Barker, rahalahy maha-te-ho tia, hoy
izy hoe, "Billy, avia ka ekeo ny sabatan'ny Tompo." (Manana aho
ankehiritriny.) Fa hoy izy hoe, "Ny andro sabata." Dia nieritreritra
aho hoe, "Oh, oadray, tsy mbola mahavita an'ilay izy foana
izany." Hitanareo.

¹⁸⁹ Nandeha nankany Andrefana aho, ary nieritreritra aho...
Nandeha lavitra aho tany amin'io alina io, teo amin'ny
famoriam-biby izahay. Ary, fantatrareo, esorinareo ny lasely
sy ny kitapon-dasinareo, ary mametraka azy, ka mampiasa
ny laselinareo ho ondana iray. Dia nandry niankohoka aho,
teo ambanin'ireo hazo kesika tranainy tamin'io alina io. Dia
niambina aho ny antoandro, ary noho izany dia lasa nitondra
ny biby fiompy ireo zazalahin'ny alina. Ary nisy zalahy antitra

iray teo nantsoina hoe “Slim,” avy tany Texas, izy dia nanana gi—gitara iray tany ary nitendry izy hoe:

Voninahitra ho an’ny Anarany!

¹⁹⁰ Nisy zalahy iray hafa teo nanana fihogo iray niaraka tamin’ny silan-taratasy, notsofiny izany. [Misamonomonona ny, *Voninahitra ho an’Ny Anarany Rahalahy Branham—Mpand.*] Efa nihira hira hafa izy ireo, baladin’ny cowboy, ary nanomboka nihira an’ilay *Teo amin’ny Hazo fijaliana*.

¹⁹¹ Oadray! Nihodina aho, nametraka ny bodofootsiko teo ambonin’ny lohako tahaka an’izao. Nijery ambony aho, fantatrareo, ary toy ny hoe nihantona akaikin’ilay tampon’ireo hazo sy ireo tendrombohitra mihitsy ireo kintana. Ilay bitsibitsika maharitra tranainy an’ireo kesika, afaka nandre Azy nihorakoraka aho hoe, “Adama, aiza ianao?”

¹⁹² Saiky herinandro telo taorian’izany, dia nandeha nankao antanàna aho ka mamo ireo zazalahy rehetra, fa izaho tsy nisotro. Tsy maintsy nitondra azy rehetra ireo nody aho, namatratra azy ireo tao anatin’ny fiara, tamin’ny fomba rehetra. Ary nivoaka teo izy ireo ka nifampitifitra rantsan-tongotra, sy ny zavatra hafa rehetra, ary azo antoka fa mampidi-doza; nanoratra tsipika mahitsy iray teo, ary nifampiloka dimy dolara fa afaka hanitsaka an’izany izy ireo, nefo tsy afaka nandeha teo amin’ny sisin-dàlana tahaka an’izany izy ireo, fantatrareo. Ary tahaka an’izany ilay izy mandra-pahatongan’izy rehetra ho tsy mamo, rehefa azon’izy ireo ny volany.

¹⁹³ Ary tany aho ka nisotro izy rehetra, nihataka aho ary nipetraka. Nieritreritra aho hoe, “Oadray, oadray!” Saiky dimy amby telopolo taona lasa izany, na dimy amby telopolo, heveriko, dimy amby telopolo taona lasa. Dia nipetraka teo aho, nihataka. Toerana kely iray i Phoenix tamin’izany, avy tany Wickenburg tany izahay. Nipetraka teo aho, ary nisy zazavavy kely Espanöla iray tonga nihaodihaody nanerana teo; ary izaho nipetraka teo niaraka tamin’io satroka goavana napetraka taorian’ny lohako io; nandalo izy ary nandatsaka an’io mosara kely io, fantatrareo. Hoy aho hoe, “Hey, nalatsakao ny mosaranao.” Tsy liana izy.

¹⁹⁴ Nandre tabataba kely iray aho teo amin’ilay lâlambe teo, ary nandeha nankeo. Ary nisy cowboy antitra iray niova fo avy tamin’ireo mpitendry zava-maneno teo ireo, pentimpentin’ny nendram-boalavo no nanerana ny tarehiny rehetra, ary ranomaso no nikoriana teo amin’ny tavany teo, nitendry gitara iray, nihira hoe:

Voninahitra ho an’ny Anarany!

¹⁹⁵ Oh, oadray! Nikoriana teo amin’ny tarehiny ireo ranomaso, nijanona izy ka nanao hoe, “Rahalahy, tsy fantatrao hoe inona izany raha tsy nandray an’io Kristy mahafinaritra io ianao”:

Voninahitra ho an’ny Anarany!

¹⁹⁶ Dia nampidiniko ilay satroka goavana ka lasa nandeha aho. Oh, oadray! Tsy afaka miafina Azy ianareo. Tsara aminareo mihitsy ny mivoaka ka miaiky Aminy. Oh, mahafinaritra Izzy! Eny, izany Izzy.

Voavonjy tamim-pahagagana tokoa tamin'ny ota
aho,
Jesosy no mitoetra ao anaty amim-pahamoram-
panahy tokoa, (*mitoetra* ao anaty)
Teo amin'ilay hazo fijaliana teo no Nandraisany
ahy;
Voninahitra ho an'ny Anarany!
Voninahitra ho an'ny Anarany! Anarany!
Voninahitra ho an'ny Anarany!
Oh, teo ny foko no nopetahana an'ilay rà;
Voninahitra ho an'ny Anarany!
Oh, manatòna, an'io loharano tena manan-karena
sy mamy io;
Atsipazo eo an-tongotr'ilay Mpamony fotsiny ny
fanahinao mahantra;
Oh, milenteha ao androany, ary aoka hiova
tanteraka;
Voninahitra ho . . .

Ndao isika hanondrika ny lohantsika ankehitriny,
hanangana ny tànantsika fotsiny ankehitriny:

Voninahitra ho an'ny Anarany! (Voninahitra,
voninahitra!)
(O Andriamanitra.) . . . Anarana sarobidy!
Teo ny foko no nopetahana an'ilay rà;
Voninahitra ho an'ny Anarany!

¹⁹⁷ Voninahitra ho an'Andriamanitra! Ndao isika hitsangana. Oh, iray minitra fotsiny; izao fotsiny, andraso fotsiny . . . [Miteny amin'ny fiteny hafa ny anabavy iray. Manome fandikana ny rahalahy iray—Mpand.] Eny, Tompo.

¹⁹⁸ Raha nisy anankiray izay tsy nahafantatra hoe inona izany, dia izany no Pentekosta, ny Fanahy Masina miteny. Hoy Jesosy hoe, "Mandehana mankany amin'izao tontolo rehetra izao, torio ny Filazantsara. Izao famantarana izao no hanaraka an'ireo izay mino. Hiteny amin'ny fiteny vaovao izy ireo; hametra-tànana eo amin'ny marary, dia ho sitrana izy ireny." Ary ireo zavatra izay Lazainy ireo, dia hiseho.

¹⁹⁹ Oh, tena faly aho. Hitanareo ve ny Fanahy Masina tonga, manamarina an'ity Teny ity? Hazavana iray, raiso izany, aza—aza misalasala amin'izany. Raiso fotsiny izany dia hikarakara anareo tahaka ny zanaka iray Izzy ka hampianatra anareo. Tsy ny fahamoram-panahin'io Fanahy Masina io ve no hanao an'izany? Ny Fanahy Masina eo amintsika.

²⁰⁰ Tsaroako indray mandeha ao amin'ny Baiboly, tsy fantatr'izy ireo hoe avy aiza no lâlana hahatongavan'ilay zavatra, tonga ny fahavalô, ka nilatsaka teo amin'ny olona iray tahaka an'izany ny Fanahy Masina, ary niteny tamin'izy ireo marina tokoa hoe aiza no haleha. Dia nandeha teo izy ireo, ka nampifanjevoan'Andriamanitra ilay tafika hafa ka nandresy azy ireo. Marina izany.

²⁰¹ Oh, mbola miaina amin'ireo andron'ny Baiboly foana isika! Sa tsy izany? Amena. Isan'andro, raha mbola eo foana ny Fanahy Masina.

²⁰² Oh, ndao isika hitsangana raha mihira hoe:

Raiso ny anaran'i Jesosy ho... (Tsarovy ilay Hafatra.)

Ry zanaky ny alahelo sy fahoriana;
Hanome fifaliana sy fiononana ho anao izany,
Raiso izany na aiza na aiza alehanao.

Anarana sarobidy, Anarana Sarobidy,
Oh tena mamy!

Fanantenan'ny tany sy fifalian'ny Lanitra;
Anarana sarobidy, Io Anarana sarobidy io!
Tena mamy!

Fanantenan'ny tany sy fifalian'ny Lanitra.

Raiso eo aminao ny anaran'i Jesosy,
Ho ampinga amin'ny fandrika rehetra;
Rehefa miangona manodidina anao ny fakampanahy,

Bitsiho am-bavaka io anarana masina io. (Derao Andriamanitra!)

Anarana sarobidy,
Oh tena mamy!

Fanantenan'ny tany sy fifalian'ny Lanitra;
Anarana sarobidy, Anarana sarobidy, Oh tena mamy!

Fanantenan'ny tany sy fifalian'ny Lanitra.

Henoy ity andininy ity:

Raiso eo aminao ny anaran'i Jesosy,
Ho ampinga amin'ny fandrika rehetra;
Rehefa miangona manodidina anao ny fakampanahy,

Bitsiho am-bavaka io anarana masina io.

Oh, ndao isika hihira an'izany indray:

Raiso eo aminao ny anaran'i Jesosy,
Ho ampinga amin'ny fandrika rehetra;
Rehefa miangona manodidina anao ny fakampanahy,

Bitsiho am-bavaka io anarana masina io.

Ndao isika hanondrika ny lohantsika ankehitriny:
Anarana sarobidy, Anarana sarobidy, Oh tena
mamy!
Fanantenan'ny tany sy fifalian'ny Lanitra;
Anarana sarobidy, Oh tena mamy! Tena mamy!
Fanantenan'ny tany sy fifalian'ny Lanitra.



NY TAOM-PIANGONANA SARDISY MAG60-1209

(The Sardisean Church Age)

ANDIAN'NY FANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Zoma hariva, 9 Desambra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org